

例言

一是書止載三邑境內祇錄志所未及間有雖載志中未能明晰者重言申明故名吳門表隱

一是書意在闡揚廣采雜書傳聞故老隨時記錄不依次叙所見何書所聞何人每標條下以昭傳信有不能記憶者亦不妄註概從闕如

同志所填故直書不諱

一是書祇採荒祠廢塚古跡遺址見之新祠恐日後文獻無改

至忠孝節義猶能觀感後

居是邦蒞茲土及閩閣二氏節

闡潛德也其中有濫有遺姑俟後

一是書始於嘉慶十年以前告成於道光十二上之  
後將三十年矣歷經 鄉達師尊親長族望指教  
成書再三校錄今馬齒日長精力久疲酷貧多病  
無待於時是以典絮告貸兼荷樂助陸續授梓其  
中是是非非舛錯附會之處誤在見聞實非臆作  
且俟博雅君子採擇備補志闕

一是書或與他書異同者蓋錄其所見以備互參

一是書間錄近時鄉望各條似與表隱不合因尚未  
列志錄以待採

一是書見聞寡窄所錄萬分之一有似此者請各續  
補以慶完璧

一是書恭載各村土穀神祠靈昭呵護保障方隅並  
采憲旌格例之苦節皆志所未及均得書之

一是書敬采好義諸公如修學建莊捐賑倡堂郵發  
代莖散粟施絮有功桑梓者苟有行之善仿紹興

府志體例概行列入然樂善一門易招物議最難  
傳述是編不以富貴而避嫌不以寒微而放棄有  
見必登聖人云君子成人之美韓子曰不樂成人  
之美君子弗取蓋善善從長不敢輕議

一是書祇貴乎表述義不宜乎苛論村談野筆兼收  
蒙昧無稽並採忘傳混錄諒多蕪莠之文斷簡殘  
篇必有魯魚之誤隨時筆錯縱書之是以門類不  
分次第或紊者稿本體也

一是書公采公刻湊合成集所以式帙不齊必多誤

處仰祈改正並請赴坊刷印以廣其傳

一是書謹錄先輩遺集並前人手稿隨韓公蒞任公

兆麟江公沅董公國華蔣公慶均韓公崇王公北

長徐公僖黃公壽鳳朱公綬彭公蘊瓌褚公逢椿

蔣公庭英丁公錦濤包公汝霖盧公毓嵩吳公泰

曾徐莫生模顯高叔祖禮璜叔祖翰承蕤達尊伯公

燮步青俞公孝庭叔翔雲兄日松椿鳳藻家瑞姪

孫濟同心纂輯更求故家典籍復詢宿學者儒逮

及村老田媪所述均書傳疑傳信以質高明

一是書仰蒙 當代名公尊親族長採訪叅訂僂力  
校正並請公閱各相揖益筆削成書用昭徵信荷  
寵大序褒錫鴻章凡有所賜並署 台銜敬列卷

端至慨助剗剗諸公同載集首以表盛德

鄙人秉性下愚由來失學讀書習藝垂老無成歷  
承身大君子垂憐寒峻埽榻招延杜門著述并易  
守身輯譜百支修祠四次代彰節行克佐庠序邊風  
雨晨昏未敢稍怠苦心苦志鄉里咸知所好東塗  
西抹稿積雖多不堪壽棗惟是此集公助災梨所  
重闡揚毫無取義未深搜宵矚北幸勿索瘢指垢  
憐余癡狂瞽陋目不識丁近兼衰老輒坳總祈  
宥求恕狂瞽豫為聲明母貽後責閱者諒之

北郭小民顧震濤百拜謹識

吳門表隱卷一

長洲

顧震濤

景瀾輯

蕪州城周敬主六年吳闔閭使伍員所築周四十五里長五千六百五丈高二丈八尺厚一丈八尺樓六座梁三千五十一個

六門題字太史顧嗣立書閭曰氣通閭闔胥曰姑胥擁翠尚盤曰龍蟠水陸婁曰江海揚華齊曰臣心拱北葑曰溪流清映

三關婁閭葑皆有之在城門洞下古石黃潤高二尺

許形如象鼻惟門尚在

天心橋在塔兒巷東口城之正中

鄉厲壇吳縣五百十所長元兩縣七百四十一所以

祀境內孤魂俗稱孤壇明洪武元年知縣宋敏文蔣

玉奉命建向例與郡厲壇同日各里設祭

申明亭共五百十一座城中四隅各一諸鄉村每里

設一所聽老人奉縣檄坐勘公事明初建立

郡城內三橫四直河道明宏治六年通判應能所濬

嘉靖元年僉事蔡乾三十四年巡撫周孔教把總

王之義萬歷四十五年巡撫王應麟再濬支河悉

疏

周逸民朱張墓在長邑蘇臺鄉樂園志

宋長巷即朱張巷周逸民所居元萬戶朱瑄尚居之

又乘漁橋有四夫人府瑄妻楊氏居第也

天庫在專諸巷中門前有花石者最古斷門檻者香

火特盛地庫在北寺中院今有九處惟大觀音殿

旁最前門外有琵琶街形已失陰雨時輒有聲皆

唐周真人隱遙為民禳災處

石家堂在北寺山門左四層深鑿神像元沈萬三所置

長脚家堂在白坊村民吳姓世用之形如竹榭祀穢跡金剛

元沈萬三宅在周莊甚小第萬四宅在黃墟萬三名富字仲榮富甲江南萬四名貴工詩先隱終南富壻萬戶侯宋通崇祀於鄉貴曾孫玠官戶部員外郎有德望著

七十二井在廖家巷底張士誠屯軍所浚

孤老院即吳縣舊倉址乾隆二十五年知縣介玉濤移建中有土地祀明嚴嵩尤奇

楓橋而東至婁關明初河面甚濶夾岸植芙蓉故名芙蓉塘行船最險必禱於天后故有娘：洪

白馬澗越王養馬處今尚有青石大馬槽一具又有晉支遁養馬處馬跡石存焉

映月草出寒山嶺上專治血症

吳市在樂橋干將坊即東市門又東有盡市橋今名興市西市坊即西市門又西則市曹橋又有穀市橋北

小市橋

迓家園在保吉利橋南古名笮里吳大夫笮融所居  
天宮寺在綠葭巷唐光祿大夫許台捨宅建初名武  
平院門前直街名初春巷南口有天宮坊寺前橋  
底有古井覆以古石裕呼魚王石下有魚穴歲山  
門有脫沙聖帝裸程周將軍騎金牛剛寺內有紫  
砂夾石甚高此即名刹棟竹葉寶塔拜墊石卸甲  
韋馱皆宋時物大殿鐵藥師佛明正統間僧宏演  
墾土所得傍列十二藥叉大將頗偉異萬歷十四

年僧通泉所瘞右首第二尊康熙初忽自跳躍於  
地活善財宋初仙手所成萬壽寺故物亦是年通  
泉移供於寺寺後橋昔名九蠻涇風波最險明寺  
僧聽源月江印宗水知慧川萬峯元若巖持戒律  
兼善詩文歸繼登有七高僧傳

鈞玉灣金闔十字路口明初刑人之所晉隋以來刑  
人於市曹仁德坊因建周康王廟以成康熙刑之  
意宋元刑人於樂橋故有蕭王廟明中更於閻門  
市中滋索不已乃移至香花橋嘉靖二十六年誅



湖匪葉永春等始至北寺後教場

下津橋毛家牌坊明中丞毛珵宅東有毛家棧毛家

園

十五條皆  
顧公變記

宋高休墓在橫塘明萬歷中土人趙應奎葬親黃山

山北掘地得古碣云其宅即今高師巷

徐鴻時  
橫溪錄

北寺塔梁僧正慧建十三成宋建炎四年兵燬紹興

末金大圓重建九成為浮圖之冠

瑞光塔赤烏十年吳主孫權建唐天福二年放光凡

善姓燃燈之夕太湖漁人網捕無所獲

雙塔宋雍熙中判司王文罕建并捨田五百八十畝

今祀文罕為伽藍神兄弟三人并有像其墓在寺

內東隅塚甚高人不取近其地本名王判司巷

虎邱塔隋仁壽元年建

靈巖塔梁天監二年建寺後並建塔明萬歷二十八

年雷火所灼盡燬九成之木今中空惟存壘壁

海藏塔在角直鎮乾隆初魏斌募建

寒山塔在楓橋寒山寺中宋孫承佑建元末燬

上方塔隋大業四年九月郡守李顯建魏瑗書碑下

有雙冷泉

彭山塔在彭山頂北址存

太湖兩塔一在西山白塔堰內有基突出水中一在西華三洋洲明初湮於湖

稚兒石塔在虎邱半塘壽聖寺內晉義熙十一年詔建宋紹興七年魏憲重修

石塔有三一在下專諸巷石塔廟久廢為民家另建石塔菴於傍一在石湖南莫舍濃司馬菴中一在寶帶橋北堍

瓦塔在宋仙洲巷吉祥菴宋景定間建即大猛將堂神姓劉名銳端平三年知文州死元兵難亦作劉武穆錡馮班作劉信叔又作劉鞫又作南唐劉仁瞻有吉祥上義中天王之封旁列八蜡神像左廡有神姓顧稱管燭司歲臘日及正月十三日大府率屬致祭一在江村橋西一在六直西美橋北一在盤門營內一在橫塘一在洞庭山楊灣一在石匠巷北一在盧師橋南一在三條橋堍其在穹窿塢者尤顯應村民昇像如飛傾跌為敬名曰趨猛

將此外士民尸祝閭巷咸堦像祀之夏秋之交村民賽祀名曰青苗會其封神救命碑在靈巖山前豐盈莊宋景定四年二月正書

採蓮涇在府治南今有南北東西四採蓮巷中有河堰裏

錦帆涇吳王挂錦以游今憩橋北至香花橋西址多

### 淤塞

洞庭西山有兔無雉聖姑遺跡東山有雉無兔

閻門聚龍橋口無白鳥

即蚊

虎邱山塘無蠆

北寺外木牌坊寶林寺外木牌坊陳湖磧砂寺藏經

坊鳥雀不敢宿亦不暫止或云鳳凰曾集之故

封同知丁均堂墓在跨塘橋南岸直對福山口子峽

江令鉉祔道光九年後裔錦濟重修題柱聯曰烏

目靈山光映遠源頭活水派流長

小獅林在白塔子巷褚氏宅內為宋鄭虎臣舊宅多

美石曾鑿池得古硯因名天視堂諸生元圭孝友

能文以六壬著名

慕少師天顏墓在穹窿塢內有萬民留葬坊甚高  
石鼓在道義街路側唐時物明永樂二年自鳴數日

顧全記

天池山石鼓每歲必一鳴震驚山下

靈巖山石鼓二在鳥道旁即石射棚鳴則有兵

城中七塔第一在臨頓路白塔子橋東塊名曰白塔

二在孟子堂東相傳月夜塔頂上巨蛛繫絲於宮

巷口塔上人可共見第三在朱長巷東口塔街名

虹塔昔旁有古枸杞一株或云下有玉狗乾隆二

年冬將傾之前自搖動數日而圮顧曰第四在司

獄司署內塔中有宋熙寧己酉葛蕃記碑昔是尼

菴尼有淫行致淫夫王賣肉死改為署沈璣叢殘第五

在宮巷南口名雄塔宋嘉佑五年九月沈文罕同

男宥從建勾當人周延祐陳遇衛宗詠等同修信

女虞傅氏妙喜隆興二年九月重修有石銘一軌

銘二文載圓妙觀志或云下有玉鴨人於塔下搖塔能自

動鈴鐸齊鳴七類乾隆五十七年二月六日北吳門

補第六在濂溪坊上有仰孟名雌塔宋靖康初里

人翁氏建向在資壽尼寺內相傳與雄塔於烟霧  
中以線在塔中兩人拽之橫牽可過並無滯礙堅  
集第七在望汎橋西宋開寶間建建爰兵燬故地  
名七塔寺前巷地即許氏石虹園後為金幢菴顧瀛

秀記

城中八幢形方如塔層層供佛非石幢也一在孔副  
使巷中亦名方塔一在裝駕橋南塊向有寶幢寺  
久廢一在洙泗巷南口一在石塘橋北小橋頭一  
在桃花塢石幢街底一在因果巷陳氏清畬堂西

南隅餘未詳

九饅頭混堂或云六城門左近各一此外一在飲馬  
橋石家灣一在府治東首一在北寺前一在天庫  
前竟有十餘處今皆改去無存

脫沙金剛在婁門普福寺輕能昇行

長洲縣治露臺西堦石即明典史蕭思腆仗儀英風  
之碑正德中巡撫吳廷舉立集堅瓠思腆曾祔祀復

舊祠

神仙廟西節孝木坊為明生員蔣垣妻盛氏立建後

經大火十餘次四際皆燼獨存孤坊大節凜然子  
孫科甲第於吳中

砂石天池山最佳

華山小池中莖菜味甚美

梅灣出茭白頗佳名呂公茭

明殉節交趾指揮崇祀名賢祠陶俊墓在獅子山左

首索山

明指揮潘留孫墓在東匯虹橋浜內

議叙道潘文起墓在木瀆東黑魚浜內文起孝友敦

行屢修學校孳孳為善德孚鄉里者

晉朝大銀杏在半塘寺天王殿東大可十抱竺道生

所植半塘志

半塘壽聖寺石幢鐫陀羅經均王龍德二年九月江

夏黃氏十五娘造正書

道巾店在小日暉橋北俞氏世業巾有七種

朱家莊在義慈巷西南僅一廣場游人麇至百戲競

陳貨郎蟻集清嘉錄

宋道士敕封冲和妙素法師鄭知微墓在梅灣及字

圩崇真宮志

錦峯書院在澚墅道光十三年織造豫堃創建延廣文尤崧鎮主講席為始

吟香閣在銅坑梅花最深處宋高士顧鳳建明王文恪鏊顧文康鼎臣繼修廢嘉慶四年裔孫翰欲建不果繪圖徵和宋高士韻詩時大中丞汪日章紳士吳俊范來宗韓封徐華嶽顧紹先俱有和章翰與震濤輯吟香閣倡和詩行世後震濤又乞許堯民顧宗瀚蔣寶齡孔繼堯金淳各繪一圖顧翔雲

顧承莫頤並撰記藏於家

珍珠丸在盤門新橋巷沈氏流蔭堂世傳專治小兒腹臑諸症

叫哥哥蟲名行楓橋王路庵戴氏世業

顧皮蛋在仁孝里明末諸生顧嗣芳得秘製有佳味花紋透入蛋內世傳其法治手足麻痺及四肢腫痛如神

獅子油孫斗南先世所遺價值千換專治膈氣今已無考

空青膏<sup>膏</sup>治目疾如神東白塔子里趙淵世傳其九世祖瑤正統初遇仙所遺并有推雲片妙方今惜失傳

膝疔藥在西美巷宋滕伯祥得仙授方治疔甚驗門外有古石獅亦宋時物今子孫尚守其業

孝子顧鳳山墓在胥門外三鄉廟側鳳山父充永六安州生乙酉殉節婁門下孝子冒鋒鎬尋父屍於精舍中得血衣葬此廬墓終身哀感行人土人稱大樹墳沒即附葬之

唐張夫人墓在葑門皋陶村明萬歷己卯村民鋤地得古碣其文有夫人清和人也以貞元十一年十月葬於皋陶村云

桐下  
听然

石牛在山塘通貴橋西唐時物宋咸淳六年僧志珍建石牛庵於旁明殉節諸生許爰墓在焉

石狗在社壇白雲庵東唐時物

石龍在烏鵲橋東名龍壇闔閭所造今為五龍堂庭外池中以石板覆五井或云壓太湖水怪遇旱啟板即乾<sup>雨</sup>乾隆二十四年大旱巡撫陳文恭宏謀禱而



啟板立應相傳郡中逢亢旱有司以虎骨投之能  
暴雨不止

石馬在蒲林巷西口河側地名石馬匪梁孫瑒妻妙  
嚴公主墓前物墓在閭邱坊巷今息園內中有土  
阜上有妙嚴臺顧純書禪興寺大悲閣有公主像或  
云隨文帝女又云閭邱坊巷有娘：墳宋徽宗妃  
為金兵迫死於智井葬之馬即其墓物並立廟於  
此名石馬庵石馬歲久成精赴河飲水人見之故  
墜河十因鑿隄之太史顧嗣立於依園中濬池見

石壙並得宋磁水盂等物即宋妃葬處

石蓮花在臨頓路懸橋面石上一株隆起花實葉莖  
宛然

虎邱出虎鬚草為蓆最佳

吉由巷內古石甚峻明名醫鄭欽論字三山所築世  
有醫名謂之假山鄭子青山至元孫開山尚居之  
至今吳中醫家有鄭山王林劉泉夏石之目後裔  
表字必同下一字

七步蛇出府學前嚙人不出七步即死兩頭蛇出穹

窟山顧家宅一身兩頭岐出雞冠蛇出婁門外柳  
仙堂後頭上雞冠能啼

落星墳陳鄉賢顧野王暨配賀夫人墓在石湖下周

村隸吳邑一都二平地起山穴後一石如屏旁有

石如几如印上有古松禱可療疾右有鐵佛唐初

得之土中左有星石如舟土人相誠云寧可赤脚

奔莫踏顧公墳之諺從無人侵一草一木聚塢支

後裔世守之西北一隅明中為勢家所佔屢訟未

復至道光十年裔孫禮璜錫兆熊松

承祿沆偉烈震濤汝燦捐資贖歸

十八魚池在朱家園皆宋朱勔所浚棄田壞室甚侈

閶門下塘江西會館陶家池花埠十房莊六房莊桃

花墩皆明尚寶徐履祥宅工部徐徐富甲三吳長

船浜即其泊帳船處其墓有三一在雲山有千畝

一在東龍池有三百餘畝一在堯峯山亦千畝外

吳中大墓莫過此八條皆顧

東園在花埠明太僕徐泰時建今為劉觀察起寒碧

### 山莊

西園在陸宅巷明工部徐溶建崇禎八年捨為戒幢

律院中有五百羅漢殿佛像廻異放生池盡畜巨  
龜

西園大殿後銅香爐上有雙龍隆起見金色中有巨  
珠珠已失窠猶存

東園石屏高三丈闊二十丈玲瓏峭削周時臣物  
瑞雲紫雲觀音三峯玲瓏高聳宋朱勗所得後歸卮  
陽董氏移置東園徐氏瑞雲峯乾隆四十四年移  
之織造府西 行宮內紫雲峯久失觀音峯今屹  
立半邊街踏坊外

斛子店長洲在齊門路元和在馬公堂東吳縣在楓  
橋只此三家

石窗樓在高師巷明文待詔徵明建四面皆窓

鴛鴦樓在四通橋西戚氏書樓小說所云明名姬穆

素徽亦居之故名穆鴛鴦樓名美居秀野堂側嚴德

門錄

西樓在溫將軍廟西亦穆素徽建

明鄉賢蔣太守彬祠在溫將軍廟內即其故宅歲重  
陽後裔一祭之

羅祖廟在馬醫科東城整容匠公所亦名剝行祀羅祖以陳七子祔西城公所在白蓮橋南

周朱季暉奔吳依閭闔洪基即今小邾街

鐵瓶在仁德坊東唐初有仙曾作枕卧所遺明義夫

馬瑤家藏後歸金氏近屬汪氏內有鐵瓶書屋

南垞北垞在堯峯山胡巷元顧阿瑛所築堯峯志

吳門表隱卷一終

吳門表隱卷二

長洲

顧震濤

默安輯

韋蘇州應物祠在郡學內宋初未立學時已建祈夢  
頤應祠聯有斯可以從政何莫學夫詩最佳

韓永椿仙像碑葆真子筆已久失嘉慶二年四月潘  
觀察文起於衛道觀西宅傍啟土得之復歸韓氏  
今藏沙河塘明宗伯世能祠後

大帝廟在郡廟東孫吳祖廟祀大帝附會張祠山也  
明萬歷中僧浚井得石佛頭高三尺許有赤烏年

款癸丑楊應春捐資以木為身裝金像供寺內錢希

言記

滄浪亭枰石宋蘇舜欽所置

老和尚堂在桃花塢西和尚即明侍御李模堂甚小

真像猶存

旌烈坊在葛百戶巷口徐鯉魚橋北明末巡撫張國

維為陣亡千總周嘉暨妻烈婦王氏奏建并有專

祠久廢列祀復舊祠今坊柱作徐鯉魚橋扶欄蔣

賢述

土山在北街普福寺後大阜上有古圓石碣鐫晉開

山禪寺師塔六字左右銀杏二株皆十餘抱晉時

舊物

七井在中張家巷梵授寺前河中各有巨石掩之嘉

慶十九年涸見之

卧龍街關帝像宋淳熙初就大樹雕成連根乾隆三

十三年巡撫彰寶欲改建因像不可移乃止

施相公廟在元妙觀西街內宋咸淳三年建神姓施

名鏐宋湖州名諸生有化蛇異蹟吳民尸祝有鎮

海候之封俗以蟠龍饅頭祀焉清嘉錄

古栢山房在宮巷元壇廟內形如鶴宋人手植又見圓妙

志觀

栢樹術在北濠西有栢枯而不朽元時物一在砂皮

巷內吳氏宅內明初人植

冰窖在葑門外竹塹南有二十四處按二十四氣

平權坊在祥符寺巷東口宋紹定二年立仁美坊在

南顯子巷西口無今為宋右史上官渙西立質皆香

楠能治肝胃氣

火腿洪在望市墩北二池如肘交水淺易溺人

百獅子橋扶闌石刻百獅子甚工曾作怪擾境今鑿

傷無完體者

山茶樹頭在東花橋巷東元人所植今在尼庵中

亨泉杉瀆橋南首石欄八角四面刻詩正書曰浚井

無窮口良緣屬泗洲境清因剎口土厚得泉優超

板幽魂口刊題施姓昭共資功德水法界永周遭

開山唯一口關路景陽空咸淳戊辰住山明叟立

按宋時泗洲寺中有四井元亨利貞此其一也

管園在北園崇甫巷東北俗稱油車巷明管正心所築又

有管家園在胡廂使巷北子孫尚居之

兩面戲榭在大郎橋塊或云明荆侍郎祥所造

北局高墩張士誠偽徽址富仁坊中有進監橋

馬醫科高墩舊吳縣獄址

穀市橋高墩古鎮撫司獄址宋時於土中得鐵佛今

### 建鐵佛寺

紫石山在北園老君堂後片石隆起

寒山在楓橋東民家廩內一石突出

張林山在甫里南東西有二阜

陸香山在婁門外周和山東一大阜又東一阜名長

不了三更有華山

周和山在汪家橋內即宋周和太守墓塚十八條皆顧瀛秀記

一斗山在婁郊澄泗涇內上有小廟廟西一步有古

塚墾土得古石碣橫鐫謝文學配沈氏墓七篆字

西天王堂土地像即元總管劉光也閻俊云絕肖明

### 太祖譚纂

道觀在周通橋北元寧真道觀址明初已廢



百脚街在迎春坊西石片甃街終年潮溼不通溝洫

或云因壓火災

顧祖鎮記

婁門外道觀衝元崇福道院址今為宋先賢李延平先生侗祠朱子熹配久廢道光十年紳士韓葑蔣希賢等重修請復官祭

拙政園在北街迎春坊明嘉靖中御史王獻臣以道觀廢址及大宏寺構尋為徐鴻臚泰時居之

國初為陳相國之遺宅緣事宅盡入官後改為駐防將軍府康熙十八年改為蘇松道署二十三年

十二月二十六日

聖駕南巡從齊門而

幸焉

吳門補乘

先為吳三桂壻王永寧宅後散作民居

西為嚴總戎宏偉及顧壁斗程某三宅東為蔣郎

中槩復園西為葉太史士寬書園後歸沈觀察元

振宅更為汪常博美基居之今東屬潘部郎師益

及子比部皓瑞棠書屋西屬程汪趙等姓宅園屬

查部郎世倭尋為吳協揆璫及子觀察晉德所居

中有連理山茶甚古東接歸田園明司寇王心一

所建多美石有綴雲峯五老峯尤峻康熙五十二

年十二月虎至蘭雪堂至今子孫猶居之今大宏寺非故址矣

半塘龍壽菴藏元僧善繼血書華嚴經全函

煙獨生匠門章家橋下

職監周淦暨配許江二人墓在黃土橋淦孝友敦行工詩文善書畫乾隆乙巳曾赴干叟宴

賜

靈壽杖及上方珍品

姚家角在元和倉東四迭皆水形如荷葉惟西一橋通路相傳此處不起樓閣恐沉陷之虞對岸城根

有宋時龔氏祖墓老樹參差子孫尚依墓下

明忠臣都督同知崇祀吳郡名賢祠徐樞墓在橫山

分金塢

百口橋在華陽橋東側古石具存劉宋顧訓之故宅

明全州巡撫馬光墓在萬祿山并有祀久廢列祀復

舊祠光曾建純陽閣於姑蘇臺左

隸吳邑五都五畝木字圩

葑門外遶溪港月夜光彩相接望如塔燈

龍腦薄荷生郡學內龍門傍幹糾屈如龍

董國華記

絲毛龜出青黛河

青鯽魚出陽城河

無尾螺螄出穹窿搗許菴門小潭中及法螺池內紅

蝦出東禪寺前河內宋林酒仙遺跡北園老君堂西

淇亦生紅蝦明劉垢仙遺跡

竹節蝦出蠡口

褚逢椿記

光福名龜山漢顧融隱此名顧氏家山至十四世孫

陳黃門野王捨宅為寺志中悞載梁九真太守顧

某捨宅云唐末寺僧建黃門祠傍列公子五公像

後并祔唐顧宗顧在銘等久廢移祠文敬公祠

光福大殿正樑折而不傾名斷樑殿今僅存其址

光福寺前橋扶欄有石琢鑿甚工宋時舊物

光福寺前二石幢皆鐫尊勝陀羅尼咒左唐大中五

年五月立姓名殘闕右大中六年十二月立

唐顧在銘詩碑在光福寺碑文漫漶趙孟頫重臨字

句交輝為光福二絕

五條皆顧公變記

墨沼在光福山側陳顧野王學書於此池水猶黑

都穆

記

唐中書顧在銘墓在光福寺中

華鑰吳中勝記

銅像觀音在光福寺中宋康定元年六月志理村民  
張惠墾土得之時亢旱士民迎入城禱雨立應明  
正統中大旱知府况鐘迎入城禱之即雨殿久廢  
國朝道光十三年大旱大府迎供天宮寺十三  
年久雨又迎供開元寺禱之皆驗巡撫林則徐布  
政司使梁章鉅陳鑾按察使額騰伊重建紳士顧  
沅主其事沅更捐貲贖歸山傍隙地重建黃門祠  
復墨池舊蹟移建吟香閣勸其成者顧氏後裔兆  
能志祖元愷祿榮照學祖震濤等李宗沅捐田

虎山嶽廟宋建中靖國元年里士黃正彥顧鳳建明  
萬歷四年燬 國朝康熙十年紳士彭瓏申稔顧  
起鴻黃修顧贊等募建

虎山橋跨虎山龜山之巔截崦水之急不能下橋唐  
未有人云得鐵帽者能建至宋嘉泰初將議建時  
俄見一人覆鍋於首衆悟而求之其人乞棗數斤  
罄食棄核於水令下橋於核上乃成橋名底定元  
泰定三年改三硤顧全記

董家船舫在光福北河亭橋明尚書董份葬親築墓

自虎山橋大崦水道至此

清竒古怪四大古柏在元墓漢司徒馮異廟晉時物  
一株直挺而青葱一株幹木皆作螺旋一株皮禿  
中裂分兩株而競茂一株中折墜地復挺而榮另  
有小柏枝分濃淡他處所無

鄧將軍廟有三一在光福南街門有古柏一在志理

村一在顧巷相傳漢太尉鄧禹兄弟三人曾各居

一村百城又元墓各村有二十八處土穀神廟祀

漢雲臺二十八將皆宋時建惟南街廟明正統三年顧進顧昌重建

懷雲閣在光福山後明末顧頊建門人莫怡書又有

聯曰十里梅花表介節一湖明月監清心門人彭

瓏書

明鄉賢劉鉉宅在穿心街子瀚孫榮果曾孫炯畿鳳

五世孫倬六世孫曙並進士科第之多甲於吳中

自飲馬橋北棹楔纍々其柱石尚存

奉慈庵在元墓山下宋靖國元年僧明所建元初分

中南北三院尋廢明萬歷間僧曉堂竺峯別隅再建

有牛欄泉凌碧松又廢崇正四年紳士顧錫疇大

任我肇孟兆和徐邵莫怡重建後皆圮僅存孤樓  
供石觀音像更為謝姓坟菴今亦廢

小虎邱在奉慈村外疊石栽松頗有幽致明諸生莫  
怡建結詩社於此并營墓於內傍有眠鶴樓已圮  
道光十二年裔孫願欲建不果繪圖徵題顧承蔣  
賡堉顧震濤各有記

明貢生配祀仁孝錄功祠顧全暨配周氏墓在奉慈  
村隸吳邑十九都下子大仁大有大德媳徐氏邵  
氏孫氏附昭穆季子殉節知事崇祀吳郡名賢祠

大任暨配吳氏六世孫廷煊暨配陳氏陳氏吳氏  
七孫培本配袁氏副王氏培業配趙氏副吳氏張  
氏周氏培德配趙氏憲旌孝子培源配陳氏徐氏  
皆附長孫殉節主事珍另葬小山元孫諸生起鴻  
暨配毛氏另葬馬駕山礮上隸二十番子憲旌孝  
行鼎榮配節婦繆氏附

蔣氏三賢祠在史家巷祀明鄉賢育馨燦若來知縣  
揆附東偏贈侍御含光祠

種痘仙師廟在石磐巷內宋峨眉山人像如純陽祖

師

孝廉船在顧亭橋東張履素先生慶孫設教處名匠

門書屋後為祠祀先生配以過於飛吳廷楨顧紹敏

張孟球徐崧顧起鴻張大純張大緒張大受張士

琦以廢列祀復舊祠顧公變記

顧亭橋在獅子口宋顧亭居此亭至孝其母磨豆為

業有宿孽當天譴林酒仙憐而救免後飯佛罄其

資獨建此橋褚人獲記

趙公義渡在南濠中乾隆二十一年知府趙酉設立

徽商公捐

花缸祖師廟在吳山染坊同業公所九日有登高賽

祀之會

搖鼓坟在瓜涇陳王墓洪明末上元教諭顧頊暨配

申氏副堂室戴節婦所葬子諸生嗣芳配毛氏嗣鏗配

宋氏祔昭穆頊孝友敦行明亡廬墓哀毀卒隸元

三十一都十二亩績字圩順六世孫憲獎義行錦

入中廿都二十七亩內辦糧

章暨配胡氏墓在平門塘沈師涇洪隸長邑十五

圩弟封員錦雲配周氏子姪咸祔

嶮村在靈巖山西即硯石山又名石城山吳越有石

城越絕漢高獲寓居卒於此章懷太子石城人思之

共為立祠後漢書本名獲村後訛為嶮挖石琢硯文

有金星不減歛端有青黃二種

辟強園晉顧辟疆所築為郡中第一志載失考實在

西美巷中郡署東偏曾為五顯廟繼為府廡後半

為大覺寺明况鐘有辟疆館記碑今即其地建况

公祠

任晦園唐涇尉任晦所建或云即辟疆園實在潘儒

巷今任敬子祠東宋為任氏園因建祠元為潘元

紹別宅明屬徐姓毛姓後廢為民居任兆麟記

桂花廳在周通橋南亦任晦園址明徐某愛木墀多

種桂樹牆甃柝柱盡刻木墀宅屢易主程觀察廢

桂陳刺史晉戴太史葆瑩皆居之

光福西北數里有避村最僻進村三里有拈花寺後

有大石長丈許闊則過半厚約三尺上刻朱買臣

讀書臺明郁祿題字朱象賢記

穹窿山塢茅蓬後有巨石丈餘上刻漢會稽太守朱



翁子讀書臺明都穆題字

鶴舞橋孫吳時二鶴集舞於此飛至楓橋東化為鳳

凰因名其橋

謝氏詩源

斑竹廳在臨頓橋東稱駙馬府中有瀟碧堂娘之廳

吳三桂壻王永寧所建康熙二十一年籍沒後拆

改尹山崇福寺惟斑竹廳猶在

御道自葑門十泉街至潭西百餘里乾隆十四年刑

部郎中蔣揖獨力捐斲

學圃日記

無梁殿在開元寺內壘甃成閣不用寸木明萬歷四

十六年建以藏經函

胥門城樓有伍子胥像立於石上明正統時知府况

鐘修城因其不敬改坐像撤石見古銘十字曰若

要子胥坐須待二况來二况况字也

况集

上方山五通神座下石碣八大字曰肉山酒海遇湯

而敗明初張三丰書至康熙二十四年巡撫湯斌

毀時始見

居易集

晉虎將軍顧愷之墓在葑門杏山上

杏疑作尹

明殉節諸生崇祠名賢祀毛爾張暨配忠烈婦申氏

墓在紫石山同時殉節次子兩照家人李陞祔  
元申敏三暨配郭一娘墓在吳山湯家浜至七世孫  
明贈大學士周皆祔冢前突出三石為三台石應  
文定公之兆

華祖廟在澹臺湖西南祀漢神醫元化先生陀以仙  
方濟世一在白蓮橋洪一在北園老君堂一在回  
真觀一在大關帝廟後一在虎邱同善堂一在白  
鶴觀皆靈應著

明工部員外郎欽泰墓在紫石山雲莊菴左

明雲南參政顧豫暨配李夫人墓在西園後塔水橋  
隸元邑九都五  
畝來往字圩  
左有支祠右有義塚墓前石馬曾  
踐食鄰田已隕其目十世孫震濤  
并配陳氏營生  
壙於下自為誌

自齊門至常熟南門凡橋梁皆明邵武知府嚴激修

建柳南  
隨筆

西竺寺橋即馬禪寺橋下有十二石柱皆鐫如來聖  
號正書宋寶元元年立

明可竹先生蔣杲墓在壩基橋東睦字圩正德十六

年葬子京義士修孫一中二南四維衲子孫衍盛  
演劇祭埽

明昌平廵撫何謙墓在壩基橋內子諸生事衲

因無後妻

關顧氏  
供稅祭

花橋每日黎明花緞織工羣集於此素緞織工聚白  
蜆橋紗緞織工聚廣化寺橋錦緞織工聚金獅子  
橋名曰立橋以便廵喚謂之叫我

道士晨聚富仁坊巷口和尚晨聚雙塔寺前謂之奔

副應

亦作  
赴音

明初賜鐵卷老人張貢英墓在胥臺鄉貢英太祖舊

鄰最篤及即位屢召固辭賜第吳中草橋北後改

為鄉賢文奇祠并祠貢英及景準汴滂沖鳳翼獻

翼燕翼文熙長瀾等久廢列祀復舊祠文奇墓在

貞山鱔塢內

顧公  
變記

明殉節諸生張文熙墓在塘灣紫泉廟東子長瀾衲

另有家祠屬鄰道林菴僧世守之

奎星閣在溫家岸魁星橋明萬歷初建 國朝乾隆

四年重建

卿賢吏部顧予成墓在潭東騎龍山賀字圩韓志  
白塘出陽山隊中潔白光美

張香橋昔有女子姓張名香拒冠倭殉義於此  
健步橋在張香橋側石橋河形尚存

三茅掌案廟在普濟橋南岸神姓徐名永年為蒿師  
崇奉香火

史家巷明鄉賢史鑑宅有繡衣坊今猶在雅園門

吳門表隱卷二終

吳門表隱卷三

長洲

顧震濤

默菴輯

亦園在葑門新造橋尤侍講侗宅堂懸

御書鶴

栖堂三字匾兩楹刻

章皇天語真才子

聖上玉音老名士

松窗筆乘

二石佛晉建興二年滬瀆夜有光漁人見石像浮水

面郡人朱膺率僧尼迎置通元寺

即今後唐同光北寺

三年錢鏐移供開元寺

帝青石鉢刻七佛於上晉建興八年滬瀆漁人得之

藏北寺內今亦在開元寺

董國華記

蔣家橋在吳趨坊漢將漸避難居姑蘇大皇里即其

地樂安

家乘

靈巖山有鐵袈裟上鑄監司贊語數字南峯寺有鐵

杖皆晉支遁遺物

披文海沙

寶華山慈嚴智顯殿樓有銅鐘鑄重和元年將仕郎

前崑山縣主簿王珏施淨財一萬鑄造二十二字

夷堅

志

燕家濱有燕國夫人廟甚卑不過三四尺上有小樓

中壘神女環珮端莊惜久成瓦礫矣

朱象按夫人賢記

即吳大帝孫權乳母陳夫人並有像祀開元寺內

秦伯墓在靈巖山西救山塢明萬歷四十二年馬之

駿立碑范允臨書趙宦光篆

南寧府通判張堦墓在黃石橋官塘墓前有天下第

一清官之碑堦治行載志祔祀復舊祠

明陸太僕世廉宅在平江路徐家街北口有飛穎堂

趙宦光書墓在綠桐橋顧家村

明金太僕士衡宅在平江路潭子里有御書忠謨亮

節匾又賜聯曰諫草南安舊宮花北闕新陸麟記

宋曾旻墓在羊腸嶺有碑

蜂螫石在陽山下田間辟邪甚古耕人近之必遭蜂

刺二條皆周必大諸山錄

巡撫都城隍廟在泗洲寺西康熙二十七年建神姓

陳名璠按璠長洲人明成化戊戌進士官

布政財帛司廟在歌薰橋北康熙二十六年建神姓

任名珮亦名瓊按珮唐封忠襄公梁任昉八世孫七月二十二日神誕

按察糾察司廟在朱家園東嘉慶九年建神姓吳名

壇按壇山東海豐人乾隆辛巳進士官江蘇巡撫十一月初一日神誕

糧巡道城隍廟即總管堂在草橋北元元統時建神

姓金名和行二十相公封隨糧王按和汴人隨駕南渡居吳世為

神七月初七日神誕子細行第八官太尉封靈祐

應龍封寧濟一在蘇臺鄉真豐里列入祀典一在

葑門外匠門塘一在白蓮橋一在齊門外平門塘

一在婁門外永安橋塊一在閭門聚龍橋一在六

直交會橋東又有祠祀元王積翁亦名總管

巡撫都土地廟在查家橋神姓名日神誕

府城隍廟規例無姓氏內有掌庫司在左偏神姓楊名美理刑司右偏神姓倪名長圩

長洲縣城隍廟在郡廟東偏明萬歷二十三年建神姓李名實兼省漕運都城隍十月十五日神誕

元和縣城隍廟在鈕家巷廟即漢忠孝張公專祠宋元豐初建國朝雍正四年改為邑廟神姓張名

明仍管鳳池鄉土穀神五月十七日神誕

吳縣城隍廟在郡廟西偏明萬歷二十三年建神姓

劉名必達九月初六日神誕  
舊志作牛若麟

府土地廟在府治門左神姓楊名永清四月初七日神誕

總捕土地廟在府治內神姓詹名有望三月二十八日神誕

督糧土地廟在桐涇內神姓鄺名食其五月十一日神誕

管糧土地廟在府治內神姓張名懋德十月十七日神誕

小財帛理問神廟在喬司空巷神姓趙名朗八月初六日神誕

汲雲菴在靈巖山西門有古井明初雲從井出因名

沈德潛集

敵樓有三高三丈六尺方廣周十三丈一在木瀆市

東一在葑門外一在楓橋名鐵鈴關明萬歷三十



年巡按尚維持吳縣安謙建 國朝道光十年

巡撫陶澍改鐵鈴關為文星閣以昌文運

蘭州府通判朱慎墓在胥口東慎敦內行有治績巡

撫吳存禮給關中良翰匾獎其閣附祀復舊祠

紀德碑在張大帝廟東廊下明太師申時行等為獎

倡賑義僧德殊立伍袁萃撰文

石公山落照臺每年九月十三日落時看日月對照

五侯墳在潭西黃公塢隸吳邑十九都陳隋名臣顧

盛南鴻南周南夏南允南並黃門野王子暨配沈錢氏陸

章五夫人並葬於此南宋以來子孫咸祔元元貞

元年二月大風拔古木下得顧氏石函譜處

元潭西孝子顧興墓在六浮閣傍四條皆顧

六浮閣在潭西查山四際皆梅花背山面湖明李流

芳欲建不果 國朝康熙初張士俊始建汪份

記

七十二峯閣在潭山頂面太湖七十二峯具列於前

明顧文康鼎臣賜葬於此閣亦顧氏建傍有土地

廟松柏甚古最稱靈異

盧園在下周村宋鄉賢盧瑢築名吳中第一林泉

桃花塢宋太師章叅所構多栽桃李郡人游春於此

時稱北章僕射章惇居南園名南章惇子授持擇授四人皆元

祐三年同榜進士園林第宅卓冠一時

天后宮即宋章莊敏公叅專祠子緯綜綜緝緝緝孫

菱蓋配按章氏盡為蔡京所陷忠義事元初改漕載史志因祠廢移祀復舊祠

運萬戶府署故內有巨碑元一統二年萬戶薩公

去思碑鄭元祐撰顧復隸書下有跌獸曾出傷人

今釘損其首五條皆顧翰記

闔閭苑圃在苑橋側

瓦井街在西白塔子巷明顧貞孝先生國本所居甃

瓦為街因名中有澹園范允臨書西名小園

景賢閣在花溪明顧貞孝祠內道光九年顧增光建

祀吳郡名賢并藏諸賢真像粉本於上蔣麇堦記

二條皆花溪祠志

迎春坊在北街華陽橋西又百家巷內有迎春橋宋

時迎春於此

太湖中四嶴山甚小而不沒稱地肺北嶴在杜圻洲

洛平臺山有砂如鐵大禹鑄鐵釜覆孽龍於此南

崑在銷夏灣泉安洲名瓦山并祀水平王后稷西

崑在角頭洲鄭涇口東崑在西華咬嘴上至明中

淪沒於湖禹王像浮水至衝山與郁使君並祀之

故皆有禹廟二條吳莊顧鼎榮記合參

北崑山禹廟石柱鐫宋末吳興徐雪廬詩曰洞庭之

陰小山幽百靈擁衛來高邱我當十月值亂離攜

家遠逐湖之洲湖光接天晚浪靜樹色照野晴雲

浮霜黃林頭袖橘熟日冷波底蛟龍愁北方兵馬

想已到南國城郭誰能收我今置酒且消憂醉舞

拔劍揮斗牛會須投筆去封候斬取盜賊清南州

鄭坤洞庭記

明贈大學士申乾暨配陸巖二夫人墓在齊門外虎

嘯橋子士章配王黃二夫人隸元邑二十三都西七畝桐字圩

西泮環巷井欄石刻有孝夫某為亡妻何氏四乙娘

嘉泰元年正月等字

西美巷井欄石刻有孝夫某為亡妻黃氏十四娘嘉

定十七年十二月等字

二條錢大昕養新錄

金獅巷將仕井向在孫上舍延宅井闌石刻有奉三寶信士胡八將仕謹施官會壹拾貫文省恭入普慈教寺十六觀堂常住開井一口所生功德保扶宅門光顯養愛和寧法界衆生同圓種智開禧二年八月歡門題溧陽縣志

十廟前井闌石刻有義泉二大字景定甲子五月上

谷重修等小字貝鏞記此石是端動必致禍謝希曾記

墨池園井闌石刻有宋祐七年臘月兀判司宅

重修等字朱綬記

朱長巷井闌石刻有義井二大字元大德八年六月

旦日盛帶住坐二十八王大媽捨財造等小字

明松陽縣教諭顧其康墓在虎邱花神濱致字圩子

進士瀛秀附土人不敢樵牧按其康王敬臣高弟配享仁孝祠

忠孝節義坊在靈巖山後殉難大竹知縣卹贈

道程廕桂墓前子烈煥附隸吳邑十四都廕桂死

忠子烈死孝規繼配熊恭人早寡守節吏役何秀

文賴國相徐仕顯吳榮家人張麟賈兆魁死義袁

學冒死函骨歸葬因建此坊以表之三條顧榮廕照記

桂等列祀昭忠慰忠復舊忠義二程等祠

王墓鎮晉王羲之築圃於此

長洲舊志

吳丞相顧雍宅在葑門外曹巷村

泰伯分廟在唯亭塘南名讓王廟宋初建明天啓元

年歸隆允重建文震孟記一在光福西吳宅村亦

宋初建

范丹墓在五福橋西一杯不湮或云是墓

謝家館在洙泗巷口明末謝雲山創始

四條皆何泰樽記

舉人贈知縣彭希韓墓在梅灣

隸吳邑五都三圖

姚鼐誌希

韓篤孝能文有功學校力行善舉祀祀復舊祠

魏司空王景文舒墓在西山慈里

明駙馬秦儀墓在西山秦家堡

二條皆太湖備考

西禪寺三大字繆洗馬曰藻十歲時書

螿蝨大王廟在盛家浜神本東京顯神坊土神神姓

張名森漢時馮陰人為皮場鎮吏

榴龕隨筆

森曾於鎮

上殺蝎除害民感之立惠應廟祀之

湖山便覽

廟向在

汴京興貢院鄰士人試禮部者必濟焉宋初創建

於吳咸淳中加封顯祐王今民間生螿蝨者用白

雄雞祀之甚驗王峯隨筆

蛇王廟在婁門城下向在城外地名毒蛇墩凡捕蛙

者祭獻不絕明末移建今所嘉錄或云神即方孝

孺有蛇報因果見并為婁關土穀神只管一家

明義人顏佩韋宅在江村橋五人墓志

寶林寺柱礎石有刻淳熙十年二月等字又鐫龍文

或云柱曾於寺內旱橋下取水致損民廬今悉鑿

損三山門有十二諸天聖像甚偉質皆脫

沙神手所埽大殿有獨木雕花窗亦他處所無

盤門內廟橋灣有黃砂夾石高丈餘古伍相祠前坊礎

唐時故物明季甚靈凡入城者必敬禮之禱祀亦

不絕

東天王堂內有熾盛光王佛觀音二十八宿月孛星

君各像皆唐夾紵舊蹟石韋馱象尤古

南濠利濟寺關聖像明萬歷三十五年忽從僧厨監

齋處自移至外殿僧仍昇於庖復自移原處不敢

再動

石馬一在盤門子城下故郊外墓物明萬歷中夜入

城被守卒伺以斷其首一在普安橋內壽生菴外

亦從古墓自來者

四條皆錢希言記

郭妃墓在王府基康熙十一年土人掘出見碑三尺餘鐫郭妃墓三字疑張士誠妾

春錦園在王府基後起樓偽相張士誠信選三吳良家

女八千餘人充內使時宮闕未備故居此

起楊儀壘雜事

承天寺張士誠踞為宮故柱礎石皆刻龍鳳文

張王廟在婁門外塘南祀士誠又有士信廟在後

娘墳在盤門外張士誠母偽太妃曹氏所葬士誠

墓在斜塘士誠少子逸於章邱李氏洪武末有登

鄉榜者

太子墩在東十郎巷南張士誠養子辰寶所葬辰寶

勇而善戰能凌空躍舞名五太子亦自焚死

元鄭國公潘德懋暨配戴夫人妙寧墓在婁門外上

苧村子淮南江北中書省右丞元明昭勇大將軍

元紹祔陳基誌

吳中家墓記

按德懋通州人宋魏王廷

美十一世孫宋亡易姓潘子元紹張士誠壻

潘儒巷舊名章家橋巷因宋章綽宅故名元潘元紹

所居宅甚廣前後左右皆有別業朱象賢記獅子林至

正二年釋在焉明初富民潘時用尚居之今園為

衡州知府維則創建體寧黃興祖宅子殿撰軒亦居此

史丞相墓在東倉沿城河小阜是處出蟋蟀名金背

黃最很史即吳興史文炳為淮張樞蜜院曾大戰

於萬壽寺東街死葬於此

十郎巷十倉夫所居張士誠封為將軍令出闔門運

鐵槍死戰明師稍却時李伯昇忿士誠因射書於

徐達圍復合十郎還閉門不納並自溺死沙盆潭

七姬井在潘儒巷後九條皆顧

謝衙前明指揮瀚宅即潘元紹後圃錢穀續吳都文粹註

七姬廟在蔣土地廟前潘元紹妾程翟徐羅卞彭段

七夫人同日自盡積屍合瘞於此並立廟祀之張

羽誌宋克書門外有七姬一節遍明長洲令趙沂

志中無書時稱三絕嘉靖四年秋知府胡纘宗題

聯曰三吳照七烈一死作千秋尚書吳寬題遍曰

氣凜璇暉 國朝康熙二十四年正月巡撫湯

斌題聯曰死者不愧轉憐其生一姬難見而况有



七郡紳貝墉輯七姬詠林行世又同顧承顧震濤  
纂祠墓小志 道光壬寅里紳潘曾琦等重修

駙馬府廟在洋環巷口神姓張名子垣實潘元紹也

封麗娃鄉土穀神五月二十廟即元紹宅為平江

首社按各土穀祠皆有神誕即古立社之義昔元

紹配張士誠女稱隆安公主破城自剄於新橋隆

紀吳人憐之祀為社神明初懼禁祇設公主象書

駙馬張陳文述元紹詐降為明太祖戮於金陵明

謀一在鐵局內一在東美巷北一在剪金橋南興

赤蘭相王廟在南園赤門傍行祠在巴家園神姓桑

名湛壁舊志作郝亦名榮封東吳上鄉土穀神織造

都城隍五月初六唐時已建 國朝康熙四十

四年織造李煦重建請 加封護國忠顯王道光

元年織造嘉祿率紳民重建列入祀典一在封門

外接官亭一在洞庭西山

春申君廟向在子城內明洪武四年移建王洗馬巷

神姓黃名歇封鳳凰鄉土穀神八月十八廟本湫

隘康熙間郡紳顧藻廓地重建內有朱舍人英張

巡司二神左皂王振顯應民間一在鐵瓶巷  
最古一在婁門外太平橋傍有羅城土地堂一在  
六直鎮

交讓王廟在干將坊巷神姓姬即仲雍封樂安上鄉

土穀神五月十三日神誕宋紹興初建一在東山一在白

砂山

蔣侯廟在七姬廟後神姓蔣名子文封樂安下鄉土

穀神八月二十日神誕明洪武四年建

眼目司廟在潘儒巷神姓任名昉封道義鄉土穀神

八月十五日神誕廟即公專祠宋嘉泰三年二十八世

孫浙西提舉清叟建明宣德二年裔孫伯通重建

庭有宋時紫荊樹枝葉能療目疾初甚小國初

某親王駐蘇軍士多目患甚危因禱於神折枝煎

服者盡愈遂廓而新之由是香火日盛列入祀典

康熙十九年里紳沈世奕王少湖顧起鴻等重建

後賴里士金張一在大儒巷中明嘉靖中里紳顧

豫捐地創建稱老眼目司堂一在吳縣城隍廟左

茅亭司廟在慈悲橋北神姓慎名應吉封永定鄉土

穀神九月十八日神誕明洪武四年建

靈蹟司廟向在百口橋側甚卑乾隆初里紳習雋韓  
彥曾移建普福寺西靈德菴址神姓朱名邑封大  
雲鄉土穀神兼瘡痢兩司正月十六日神誕庭有止瘡泉  
禱水煎服可療瘡痢

安齊王廟在北園漁郎橋洪神姓安名萬年封大雲

鄉土穀神兼胥江河神十月二十日神誕明洪熙初建一  
在萬年橋橋亭

羊王廟在烏鵲橋南神姓羊名元保封上元鄉土穀

神五月二十日神誕廟即公專祠劉宋時創建宋嘉定間  
再建 國朝雍正十一年長洲知縣沈光曾重  
建

水仙廟在滾繡坊巷神姓柳名穀封上元鄉土穀神

十月初六日神誕加封德元滙利都水城隍洞庭君地即

蒼龍堂外有池不可穢褻一在雁宕村唐末建封  
至德靈巖胥臺三鄉土穀神列入祀典名老三鄉

廟一在婁門外官瀆橋東封習義鄉土穀神名柳

仙堂每歲郡邑大夫迎春祀芒神於此一在洞庭東山豐圻一在

香山西名白馬廟一在橫塘一在六直白蓮寺西

司徒府廟在官庫巷底神姓朱名亮宗封大雲鄉土

穀神九月初九日神誕明洪武八年知府王興宗建

古總管堂在三家村口明萬歷初建神姓馬一作名

福宏治時葑門外賣夢老人性直好義有餘施濟

貧困後與人爭曲直不勝自溺於滅渡橋河中宋

昭澤候收錄帳前以善果夙根申送元壇王府證

位天庫財神錢希言記並泰岑王昭代成真錄按

神兼隸天醫院宋紹賢宗相公祠志顧公燮記

諸司見杭州吳山神廟記

震按此廟土人亦稱馬公堂實非楞迦山馬公按

五通神志載唐光啓中神降婺源遂興其祀大觀

中詔贈靈順廟當在唐以前之人且馬為五通母

舅云今廟所崇奉者是明宏治中葑郊人可知與

五通無涉恐日後鄉愚阿附致

干例禁故另表之以備參考

元金粟道人顧阿瑛像碑倪鑽書題向在崑山茜涇

順治間范莊得之今歸顧沅家道光十年後裔毓

沉重募勒石界涇墓所石韞玉記十四條

禁褻泝虎邱差稅碑在虎邱厲壇東側明崇正十一  
年巡撫張國維為排長生員張薛科等立  
長元學門有長洲學博黃老師去思碑康熙四十六年

年士民公立按黃名元錢和州舉人有碑無文官績未詳

圓妙觀內肝胃二氣許陶仙官殿在蓑衣殿左嘉慶

十年里士顧培源吳元祐道紀朱祀等建三條王兆辰錄

溫天君廟在通和坊宋淳祐初建見明洪武初道士

韓靖虛重建廟初甚隘萬歷初郡紳蔣彬倡建廣其

址國朝嘉慶二十三年紳士重建請列祀典

按神名瓊字永清温州平陽士人父民望母張氏長安二年五月五日生歿為神宋累

封正祐顯應威烈忠靖王温州府志郡中疫起有司虔

請神像出巡驅瘟歷著靈應顧珩錄

孫祭酒岳頌 賜第郡志載在竹篠橋即北新局址

建今草橋東里人誤稱松中有鶴板場者即其地也 聖祖仁

皇帝御書墨雲堂賜匾見雅志按孫氏譜傳云當年

賜匾有五一曰寶慎堂一曰尊經服教一曰

垂露毫端一曰讀書養氣一則墨雲堂也墨雲堂係建第

時所賜故名尤著又有 御書楹帖兩一曰表裏常交

正動靜自弗違一曰鐵畫銀鈎古帖恒留千載蹟

龍光鳳藻名香常對一編書又云祭酒通籍後室

無媵妾家絕管絃政事之暇惟焚香讀書及臨池

選韻筆歌墨舞而已

天語褒嘉洵寶錄也晚

號二知居士

天眷益隆

溫旨獎其書法

秀媚蒼古以元宰而後一人許之其遭際承

恩可謂盛矣卒於官

賜祭葬至乾隆壬申

詔修五朝國史凡已故臣工有著作者繕稿達

部纂名 國史公之墨雲堂詩集進

御入選

其身後之榮有如此族孫照述補

少宗伯孫岳頌

賜塋在梅灣

地名福壽山

乾隆

九年十二月

諭葬

宮傅大學士門相傳地有

生徐本表墓祠

百畝之廣因子姓貧薄祭掃弗時日漸侵削葬未

百年已僅存窀穸矣迨道光初族孫照字曉偕其

兄耀子均洎北郭顧震濤婁關莫頤等訪得其地

墓碣猶存照力任祭掃之事復慮歲久之無徵也

因乞津里朱昂之繪梅灣訪墓圖丹徒嚴太史保

庸為之記遍乞吳中名公鉅卿之作以存文獻并

拓徐相國本所表墓碣附裝圖尾俾留掌故云志傳

合纂畧泰梅

灣訪墓圖記

斗壇在金閶門外北濠乃崇元道院之分院也

崇元道院

土人又稱勝堂相傳門內向有敬勝堂匾  
年遠剝落僅存勝堂二字以此沿誤云  
考舊志

云道院建自南宋隆興間其開山祖曰張致和因

後修志者失纂故自宋應元廢興無考迨明初永

樂時道士周謙應召至京建齋靈驗上賜褒嘉嘉

靖時道士周道欽以進香召對稱旨授太常寺歸

至 國朝順治初有住持袁興光王季常者皆

竭力修造百廢具興傳之康熙戊午間迭遇歲災

院復衰替時里中諸善姓募張靜軒之高行延其

主之與其徒周韞玉相繼募修規模重整韞玉字



斯號 逸客 復購院西隙地係明三官募建斗壇乾隆中其

徒周鵬九字雲徒孫周玉振音南相繼修葺再傳

至張雲龍字石始欲建閣未果其徒徐立洲字春

醫徒孫吳浩字拙存能詩兼善克承先志閣乃成

時嘉慶十五年冬長洲顧承記記中云往壇道

外讀書習字作畫調琴往來多文學之士其間花

木清幽為濠北清涼勝地雖逼城市頗有山林意

趣中有倚石居莫願奇石當窗老梅遶屋為名流

過訪之地鑄米寮元處士曹均瑞墓在吳山南陳灣後裔咸祔明文學

宗盛迪功郎登孝行鑒河內令文光殉節咸陽令  
孝子列祀復舊孝子等祠應旌等俱附曹文熙錄

歸善局在北園老君堂道光甲辰郡人陸照宗程國

慶吳廷瑞應詔蔣永盛蔣錫源蔣潤和王錦等創

立施棺代葬收斃埋骸自婁門外東至界牌西止為限

草鞋三相公廟在長洲縣署前明初建吳錦章錄

截半倒撐船示衆有二處道光辛卯連歲水災泗州

流民乘災為患結伍竊稻村民苦之元和令何公

士祁訪捕為首周裕一船截為兩半半發葑溪天

甯寺半發婁關接待寺示衆山門口父老歡騰共

頌賢候善政後隣境秋收得保無虞者悉賴此

治坊六門附郭共十六房婁關江氏世業今易他姓

者雖多然其稱猶江氏也業祀爐冶夫人相傳宗

季江氏孝婦殉身鑄銅成神者

月湖別業在婁關明孝子墓莫存義所建徐沂記云為

孝子授徒養親舊地歲久圯為徑路今名莫家弄

在北塘周和山南以上三條皆婁關小志

社壇一帶古時地廣人稀故多墟墓歷久廢為荒圃



即以坟為小地名致蹈拾遺之誤者如葉九良墳  
今誤為九娘坟且謂語為所王九墳今誤為史家  
葬即六如妾秋香尤堪噴飯黃狗墩小姐  
墳今誤為四隅皆路為証者官人墳子高傳琪  
墳葬貝氏五桂坟經相傳蔡之墓之類雖所葬賢否真贗  
莫詳然無端受侮安知葬者不飲九京乎

朝真方丈在義慈巷即中藏本觀支祖李天木真人

遺蹟三種一為歸真雙履尸解後越月從遠方寄

一為鍊丹坐具真人以元功悟道之棺中物也

真人名樸善書畫明亡入錄詩文集一為自繪真像  
道不薙髮蓋勝國逸民也吳浩補傳二條鑄米

總節孝祠在郡學西楊家巷道光十九年巡撫裕謙

郡紳董國華倡建祀欽旌三邑歷代貞節烈

孝婦女總位祠外給帑彙建總坊巡撫裕謙

給扁曰彙表幽潛知府李璋煜給聯曰節烈闡孤

寒補五百年吳中闕典春秋崇享祀慰三千人泉

下貞魂是舉十六年署藩司裕謙示諭紳士採訪

城鄉苦節合例朱旌者設局吳縣學廣貼訪啓得

三千四百餘人奉撫院怡公良暨程公喬采先後

具題蒙恩旌表在局採訪及倡祠佐祀者

紳士石韞玉蔣慶均包汝霖唐俊蔣賡堦汪正黃  
壽鳳吳仁榮顧震濤張文丞董世帷癸卯三月四  
日郡尊舒化民邑候張之杲董用威練廷璜會同  
各學師臺率紳衿後裔吳廷琛高翔麟潘師乾趙  
文龍潘曾琦汪景淳馮遵祁吳仁立徐得錄等安  
奉致祭嗣後春秋編銀有司請祭定期九月之上

丁日

包汝霖錄

石湖在海潮庵後石池只半畝許鐫字於石非山前

連太湖之湖也

見製詩注御

供膳義學在齊門外石獅涇浜道光九年浙江紳士

揚于高士周連倡建嵇文煒楊昕等助之募資延師

教育貧家子弟總督陶澍給匾曰韻輔菁莪巡撫

林則徐給聯曰越角吳根到處孤寒思廣廈虞庠

夏校從來陶淑在初基學政朱方增給聯曰不為

名不為利具菩提濟世之心克綏寒畯在說癡任

說默堅愚叟移山之志用肇丕基布政使梁章鉅

給匾曰鄉校遺風聯曰設塾定良規廣廈大裘立

達事功隨地見勤修懷往哲斷蠶畫粥孤寒子弟

讀書多按察使葆謙給匾曰善學與人同聯曰惠及  
孤寒遠近均敷儒雅化功同庠序絃歌羣樂太平  
春知府蘇廷玉給扁曰嘉惠士林聯曰作人歌棧  
樸之章自越而吳有教無類毓秀拔東南之萃因  
才擇地主善為師郡紳吳雲彭希鄭吳廷琛均有  
匾聯揚于高記孫麟趾錄

剖劄公所在教場南乾隆四年刻字同業公建  
饒業公所在金姆橋東高岡上道光初飯業同行公

建

明名宦山西提學副使陸檄暨配顧尤二宜人墓在  
虎邱東鄉山白兔巷馮時可誌

明名宦饒州府通判陸楨暨配陳安人墓在元墓山  
石渚墩朱國祚誌

明貢生陸時賓暨聘宗配盛二宜人墓在烏龍山子  
名宦武昌府同知康兆暨配徐宜人祔

明名宦太常寺卿陸康稷暨配申于吳三恭人墓在

鳳凰池

按康兆康稷王敬臣  
高第並配享仁孝祠

明生員陸時登暨配尤氏墓在鳳凰山子孝行壽國

配節婦徐氏進士寧國府教授壽名配王恭人孫  
進士陝西學院戶部郎中德元配尤恭人俱祔

贈知縣陸芳型暨配顧施二孺人墓在善人橋馬岡

嶺子進士上林知縣桂森配吳孺人祔桂森有文

行掌教吳門時推師表

繩武錄

欽旌貞烈趙淑英墓在澆墅漁莊

中書文龍女吏部  
仁照子叔基聘室

圓妙觀重修三門碑亢牟巘撰趙孟頫書久失王振

集趙字据原文補之工妙如真蹟今藏方丈

董國華記

吳門表隱卷三終



吳門表隱卷四

長洲

顏震濤

宣吟輯

宋太師忠武蘄王韓世忠暨妻妾白梁茆周四夫人  
墓在靈巖山西麓志有巨碑紹興二十一年高宗  
御題中興佐命定國之勲之碑趙雄謨周必大書  
高二丈五尺九寸八十八行久荒道光十年巡撫陶澍布政使  
梁章鉅郡紳韓封重修并建祠於寶藏菴左僧永  
如捐地成之郡紳石韞玉呈請編祭縣丞袁縉紳  
士顧翔雲顧沅戴文榮張心源經營其事十三年

巡撫林則徐題聯曰祠廟肅滄浪更尋來一萬字  
穹碑新煥巖阿棟栊威靈震吳越還認取七百年  
華表遙傳江上旌旗布政司陳鑾題聯曰高塚卧  
麒麟回首感六陵風雨神弦彈霹靂歸魂思一曲  
滄浪顧沅輯祠墓志行世

明陳文莊公仁錫前宅正廳梁上懸佛像倉塲柱礎  
鐫龍鳳相傳地亦積慶寺址

漢廖化墓在金山康熙中山裂見石碣有漢前將軍

廖化墓七字後沒為蕩

顧榮  
照記

翻轉斃一件淨白炭二枚郡西貝仁字家昔有幢阿

留所遺後悟是仙

白牛塚在瑞光寺內宋淳熙十三年白牛自來助役  
死葬於此

義鹿塚在堯峯山明大銀臺後峒曾所畜候死節鹿  
跳擲斷角不食死山僧義而葬之

懸榻編及王  
言聖師錄

明鄉賢許中翰朝相墓在洋涇制字圩

照忠祠在大關帝廟北首嘉慶十一年奉

敕建

祀王錕錢邦彥江瑤王翼孫施錦陸霖

王太尉廟葑婁門外村落多有之惟王家村最古神  
姓王名皋行萬六弟行百十五汴人從高宗南渡  
居荻扁子孫累世神有港明初賜名神港錢希言記  
周瑜宅即今郡廟址故井猶存內有古柏瑜手所植  
至宋周虎尚居之因建武狀元坊即今狀元橋地名周  
將軍巷亦有祠久廢墓在吳縣治東二里無攷  
玩月臺在穹窿山寧邦寺內宋韓世忠建墓志  
大石壁在潭西蟠螭山峭壁嶄巖下臨太湖最為幽  
險梅花至盛游人罕到

小石壁在善人橋東伏龍山峭壁千仞下有小池甚  
深多種荷花

明刑部侍郎王心一暨配顧夫人墓在玉遮山隸吳  
七都 孟文震孟志贈公應賢 載一祖傳有極心  
福庇字圩 父王敬臣高弟 並葬玉遮山

吳太宰伯喆宅在西泮環巷馮猶龍  
雜志明孝行莫存義墓在婁門外划船稍隸元邑廿  
三都九畝存義

王敬臣高弟孝友立品學者宗之配享仁孝祠  
明隱士莫怡墓在元墓山奉慈村內隸吳邑十九都  
下六畝臨深字

圩怡為徐沂顧頊門人明亡勵節終身墓傍築香  
雪藏王時敏書并繪圖其師顧頊集古語為楹帖以贈曰  
風不出雨不出歌於斯哭於斯勗其志也怡祔祀

徐忠節祠二條皆婁關小志

施茶亭在桐涇明萬歷時楚僧廣慧捐建以濟暑雨

祁寒

桐涇雲隱菴門聯有刻堤景駕虹橋二里人家三里

樹寺門臨雁宕一溪山翠半溪雲明王穉登題并

書百城烟水

吳夸昧墓在六直夸陵山

唯亭中市延福寺內有漢時銀杏甚古二條皆甫里志

予告前刑部尚書韓葑暨配顧夫人墓在香山福田

濱董國華志封篤於孝友汲引人材文章書法經

濟事功名重中外 予告歸振興學校捐修先賢

祠墓力倡義舉德垂桑梓

靈佑廟在承天寺內祀梁衛尉卿陸僧瓚女聖姑吳

民祈子輒應圖經續記

留船磯在游湖中船誤入其中倒撐方出



雅園即檜林小隱在史家巷顧吏部予咸所構今僅  
存一池一阜中有爽致軒金聖嘆書又有八景曰虹橋  
春漲綠沼荷香明致桐陰臥雲石壁渚閣朝烟荷  
亭晚霽爽軒叢桂曲徑寒梅顧廣文舜年有八詠

詩顧達尊記

宋團練張純忠公選墓在篁村敕建祠在謝宴嶺選

傳見史志崇祀吳郡名賢祠張光懋記

石像在胡廂使巷石像菴內宋淳熙間僧清一墾土  
所得

陽山覺海寺古桂大可五抱宋初人植

支刪山古松三十六株晉支遁手植明萬曆三十二  
年土人伐以充賦趙宦光出資止之今僅留十八  
株

冶坊浜古松七株唐人手植康熙初周姓伐去作造  
酒之所

洞庭翠峯寺前古松二株宋初物明正德間僧伐以  
償征徭王文恪公鑿有憫松序

元道士黃孤山道淵墓在清真觀後禱取墓土能療

宿疾

顧窰蕩凌之佳者軟尖味美出封門外顧榮墓

晉侍中顧元公榮墓在封門外皇天蕩南百脚橋內

巷門裏塚上有晉時銀杏二株甚古順治七年將

為勢家孫某伐去郡紳蔣德峻彭瓏族裔瀛秀予

咸起鴻永祚嫡裔萬心德輝超仲竭力保護傍有

左威將軍張敏墳西有廟弟衆從孫和曾孫愷之

元謝應芳周舜臣配久廢移祀前有二阜上有古

祠名雙梧墩

唐張將軍廣墓在張廣橋側或云在天庫前

唐鄭將軍思墓在天庫前即鄭思橋後因宋鄭戩居

此亦作鄭思橋

唐柳儒生毅墓在閩門西街五峯園內東有柳毅橋

王將軍某墓在大王家巷東

盧相公某墓在南濠打線巷內

蕭王墓在蕭家巷中蕭氏雙節堂下今屬陳氏并祀王於

寢

錦峯山石色紫陰雨不潤

趙王墳在穹窿塢拈花寺內王有像如關聖或云宋

宗室某所葬

按志載有宋知軍州正惠公趙希懌葬此存泰

婁門至寶城橋

國初順治十六年將軍祖大壽

盡撤民房為滿兵營迎春坊為鎮帥府故西有大

營門之名至康熙三年巡撫韓世琦奏移京口復

歸民業吳人感之立祠於虎邱山塘

方碑在山塘韓公祠內碑益佛頭高大而方東面刻

須菩提像西面鐫重修白堤記明萬歷三十九年

王墀登撰文從簡書南面刻五百尊者像北面刻

寒山拾得像薛益畫陳元素銘

癩皮祖師廟在彭山北安姑山患癩者禱之必應

逢仙橋在婁門外道觀街口僅存一石元吳國寶遇

仙處

雨花臺在婁門接待寺後宋焚人亭也

九槐村在婁門塘南唐時物今存二株在老地堂昔人

諺云出婁門九槐村井挑橋永安橋兩橋挑井寧

橋底石將軍守山門接待寺門獅子石鎮橋心官

橋有古俗仁厚皆良民

石獅子

顧港在唯亭明初顧昇由銅坑移此力行善事築堤

捍澇民感其德遂名其港又有顧巷村顧芬記皆

明工部侍郎蒯福墓在香山吳璠村福永樂初以木

工得官又有蒯祥蒯鋼蒯義並至侍郎蒯瓚官至

少卿史料今有上蒯下蒯二村子孫聚族於此

徐氏百花膏在閩門弔橋塊徐漢三創始

石人在柳貞巷中甚古曾顯靈捕盜香火遂盛徐模

竹葉瑪瑙門枕石在大成坊巷西劉氏宅廷記

慶忌廟在蠡口北老婆涇齊門外村落多有之

復舊祠在長元學西偏即樊子祠載在祀典址本宋

學士孫冕祠見明志嘉靖二十年改學此祠未毀祀

漢王充蔡邕宋朱公久廢國朝康熙二十二年

年紳士彭定求鈕希文重建增祀宋崇又圮為射

圃乾隆四年彭啟豐蒞築再建嘉慶元年韓是升

蔣華王煦等修敬奉有專祠而已廢者周張仲漢

潛顧榮唐劉知幾顧少連謝崇禮宋王旦韓琦孫

載蔣堂張日中元過宗一明孔鏞黃幃皇甫錄張

文奇孫等并各祠配祀等暨石湖鄉賢祠宋范成錄功

祠明任教場卹忠祠明項鼎咸祀之以待後典故

改名復舊祠尋廢為吏舍位多散失道光六年韓  
封胡鳳儀蔣希賢重建封重書祠額八年大學士  
兩江總督蔣攸銘給聯曰崇賢祠附膠庠重舉廢  
典分俎豆榮十四年韓崧吳廷琛王兆辰朱文連  
蔣慶堦吳廷澍張士垣顧祿胡清綬蔣庭英顧思  
度陸毓麟徐立方等呈請增祀載志郡賢吳步隲  
學校陸兩學彙詳知府李昭美批准並給行可為  
德原等表匾飭縣備案按各祠祀皆後人景仰前賢奠  
志從無備案此次整飭祀者原非祀典所及例不載  
事呈官批祀以昭慎重學院廖鴻荃給明德維

馨匾正楹崇祀周先賢樊子須 東楹移祀 周

張仲陳亢澹臺滅明 漢綺里季周術崔廣唐宣

明王充顧綜蔡邕 晉陶侃陶潛盛彥顧榮顧衆

顧愷之謝應陸雲皇甫圓宴 齊沈約 陳顧野

王顧盛南顧鴻南顧周南顧夏唐郭子儀劉知

幾沈傳師劉禹錫顧少連顧師邕顧師閔顧珽

五代謝崇禮謝濤謝宋孫冕陳省華葉參姚憲

王旦康孝基曹幽魏庠楊存中黃彥張巖葉延年

韓琦朱公綽壽昌章綽章綽章綽章趙希懌

蔣堂蔣佑蔣道元趙與憲吳淵吳潛楊簡莫攷范廷珍

王禹偁趙訓之孫載孫理范成大莫子文盧瑋張

浚張拭張九成張選張日中張叔夜張日明孫臨

盛度盛庸盛頤盛晁盛應張世傑張德成張克猷

鄭思肖孫察謝枋得開趙元高智耀顧愚顧啓

存仁王都中過宗一盧廷瑞盧守仁明薛逸甫

常遇春袁黻顧亮金問陳繼闕成章袁黼陳堯道

孔友諒張貢英張景張準張汴張滂張冲張鳳翼

莫謏莫禮朱應辰顧麒孔鏞吳文泰莫轅周孔教

黃暉黃魯曾黃省曾黃河水黃姪劉昌周繼張璠

過龍陳瑞張適張祝張朝儀張慕渠王行張文奇

莫震莫旦李鼎盛寅盧雍盧襄袁泰王寵周天球

皇甫錄皇甫冲皇甫瀛馬瑤陸治金應徵金士衡

序鄧凌霄祁承燦葉茂章胡士容韓原善牛若麟

宋儀望任環陳金葵徐佩張大綱劉受臣張治曹鑑

任之俊任之重任之秀張二陳夢楨李一謙徐訥

嚴大顯嚴大年嚴大成嚴大棒嚴大邦嚴星嚴斗

陸仲周釋明際釋碧溪釋智囊釋玉田釋太虛釋

性空釋東空釋古泉釋大用釋徹堂釋一峯釋真

元釋天池釋大造釋一舟釋西來釋天移釋古峯

釋了心釋月空釋大來釋應募長洲二鄉農附

路振飛項鼎鏞朱士英余公案陳於王包文達莫  
 是驊吳承先張其威錢上選于廷佐虞萬章石電  
 趙廕蔣秉鑑龔是尚徐本倫李國華畢希賢陳瑛  
 曹天祐曹賓王欽依周周愷周山周悌周嘉國朝顧  
 藻張慶孫張孟球張大純顧紹敏過於飛顧起劉  
 殿衡汪琬顧希喆張大受韓莢惠士奇宋實穎九  
 侗于成龍何焯以上各有專祠具載郡邑等志列  
 祀一併移祀於此又考任環錄功祠前人並考配  
 位計百九十一祀於明巡撫翁大立所定道光初後  
 裔任兆麟復歸本祠今所存西楹祀祀  
 者皆有功吳門故仍之存西楹祀祀吳騰步

陸凱劉宋殷景齊張緒何元點唐陸元方宋  
 崇大年富嚴麋師旦顧禧范正夫陸子正陸德  
 周虎黃士毅邊錢藻鄭景召范高遜志王鐘丁世  
 原元顧元龍邊明金綱高啟華嵩欽謙顧宏圖蔣  
 景義欽見道蔣一中蔣爾南顏士安莫存義伯高  
 京胤丁肇亨丁文蔚爾璋王景舉賀言邢獻伯高  
 雷胤丁肇亨丁文蔚爾璋王景舉賀言邢獻伯高  
 劉羽儀袁徵袁衡杓廷楨袁尚緝殷奎楊芳莫怡  
 沙舜臣吳時信許成劉應貞馬文戴錦丁殷楊芳莫怡  
 蕭思映季卯孫鄒應貞馬文戴錦丁殷楊芳莫怡  
 蔣垣蔣昕劉應貞馬文戴錦丁殷楊芳莫怡  
 王心一數顧震孫應劉宜言復聞李德元馬光顧延  
 之俊熊開劉古江顧若齊劉洪席劉洪之趙維垣  
 充永曹應元李模若齊劉洪席劉洪之趙維垣  
 吳愉曹應元李模若齊劉洪席劉洪之趙維垣  
 山吳愉曹應元李模若齊劉洪席劉洪之趙維垣  
 文點朱瞻顧鼎榮丁偉鈕希文王嗣芳赤文轅

楊繩武 黃林 陸觀 潛顧 祖鎮 朱岷 蔣濟 選錢 廷熊  
孫岳 顧嗣 張錫 祚顧 進蔣 日樑 吳三 復顧 襄芬  
習寓 李錦 馮嵩 繆日 張朱 岳壽 金學 祿申 贊贊 皇錢 襄錢  
蔣恭 柴邵 泰日 綏日 綏日 綏日 綏日 綏日 綏日 綏日 綏日 綏日  
汪虞 炳汪 鼎綏 煌日 綏日 綏日 綏日 綏日 綏日 綏日 綏日 綏日  
沈志 祖沈 慰祖 彭宗 求九 嘉瑞 顧嘉 祥郭 廷贊 郭陸 敬采  
錢榮 金三 才慰 彭績 蔣重 光九 秉經 顧嘉 祥郭 廷贊 郭陸 敬采  
彭紹 升金 彭才 顧績 蔣重 光九 秉經 顧嘉 祥郭 廷贊 郭陸 敬采  
程廕 桂彭 謙顧 公變 王光 謝希 曾盧 元亮 亮亮 亮亮 亮亮  
張鳳 翼顧 孫詒 程烈 彭紹 王光 謝希 曾盧 元亮 亮亮 亮亮 亮亮  
陳鶴 汪美 基沈 後仁 彭九 吳錫 吳錫 吳錫 吳錫 吳錫 吳錫  
袁大 德江 朝棟 沈仁 彭九 吳錫 吳錫 吳錫 吳錫 吳錫 吳錫  
文燦 王翼 朝棟 沈仁 彭九 吳錫 吳錫 吳錫 吳錫 吳錫 吳錫  
俞大 猷吳 孫朝 棟沈 仁彭 九吳 錫吳 錫吳 錫吳 錫吳 錫吳  
文元 韓是 升胡 胡鳳 儀珍 肯慶 闢賢 紹先 曹福 煥山 吳萱  
來增 附祠 是胡 胡鳳 儀珍 肯慶 闢賢 紹先 曹福 煥山 吳萱  
區別 茲據 傍及 今憲 准祀 者仍 書案 內附 收丁 租祭  
祠位 所錄 顧錦 雲等 捐池 產以 助祭 品局 案內 收丁 租祭

辦糧後裔公修顧元愷記崇祀十六年巡撫署總  
督林則徐給聯曰復古溯漢唐以降有廢必興重  
傍黌宮分俎豆表微附文行諸賢無德不報長留

珂里作楷模  
松陽縣教諭潘兆鼎暨配汪孺人墓在光福費家河

頭兆鼎自徽來吳積德累仁子孫貴顯甲於郡中  
明廣東副使戈立祠在尹山墓亦在焉巡按樊祉建

陳璠記

紫霄峯在育嬰堂北端威道院後地甚高聳宋淳祐



元年道士龍源清築今名東天王堂

朱子分祠在橫山青字圩祀朱子以良侯鄂配嘉

慶二十二年裔孫鄂韡建顧震濤記葉鐘

齡述

大井巷即大酒巷唐人於此醞美酒處

澗上草堂在上沙戚字圩明舉人徐枋隱居處久廢

康熙三十九年潘太師史未贖歸為祠嘉慶十四年

徐待詔達源趙錄事筠重建奉吳祖錫張舜臣戴

易釋儲公配道光六年顧明經祿捐修並輯記畧

行世

摩睺羅木瀆袁氏所製稱天下第一

相王墳在盤門東城下古蛇門傍周擊賊將軍黑莫

郝所葬舟人賽祀不絕

孟光故里在上沙梁巷

寒山寺內寒山拾得二像甚幻竒對人如欲笑語明

初仙手所塑

寒山寺古銅佛尺許有真珠一顆傍鑄赤烏年款人

不可近

北寺銅彌勒佛腹上隆起隆慶錢一枚鑄佛時一貧

女解少時所佩之錢投鑪故其跡不滅

劉宋殷文成公景仁墓在香山公長平人忠勤德懋  
傳載史志求醫寓吳卒葬於此

唐羅隱宅在甫里北隅

橫海將軍廟在婁門外下塘名老土地堂神姓韓名  
說廟甚古明初作淫祠嘉靖五年有司改正誤為  
蘄王封陳公習義二鄉土穀神 國朝康熙初

移建西數步道光十年紳士韓葑顧鼎蔣希賢韓  
俊杰等呈官更正復列祀典以蘄王配里士徐耕

山顧榮照等捐建顧震濤蔣庭英記

窰神閣在婁郊老土地堂西神姓樊名已即夏臣昆

吾氏

按物原昆  
吾作石灰

窰以陶磚烏曹氏陶瓦楊於陵二

神灰窰同業奉香火莫頤記

盛氏十賢祠在婁門外西街本宋肅公度祠

宋文昭  
文騰文

韶文蔚文炳元  
明遠明建皆樹

明初改文昌殿更為淫祠已久廢

國朝康熙三十三年巡撫宋犛重建增祀

晉侍郎彥彥師度庸頤臬應期應陽寅王贊改  
名十賢祠里士徐之天後裔盛三錫符升洪等捐

資成之因廢移祀復舊祠

按今位中獨少彥師一人

唐尚書顧文敬公少連祠在張果老巷志見子師邕師

閔後裔宋珽王臨鸞鳳配并祀公先世陳野王盛

南鴻南周南夏南隋允南唐琮在鎔於寢祠相傳光福

於此並廢移祀復舊祠

九張先生祠在紫陽書院北即南軒祠址久廢道光

九年郡紳韓葑蔣希賢顧震濤後裔張久文力復

之并奉張氏諸廢祠合九為一故名祀宋先儒栻

祠即崇國公世傑祠在正忠靖公日明祠在獅郡

原址崇國公世傑祠在正忠靖公日明祠在獅郡

判官日中祠在乘忠文公叔夜學祠在府明宣課使

適保定知府祝福清知縣朝儀饒州通判慕渠公四

並祀乘鯉按張氏此外尚有廢祠宋殿丞迪北祠在

坊祠內魏國公浚祠在東平江知府巖光祠在瑞純忠公

選祠在成衛尉丞克戩吳縣令德成橫渠書院皆

祀暫祀復舊祠

明黃部郎暉祠在吳趨坊並祀明省曾魯曾姬水志見

萬歷初已廢移建南園國初更移梅灣墓左

增祀明忠昱河水衮國朝師瓊裳庸黃因

起記

廢移祀復舊祠

唐名宦長洲尉談令公戴墓在長邑十字港口

五條皆蔣

希賢

祠在學內裔孫思永孝曾祔

棹在高峯山寺亦名無患樹結菩提子

望水檀在齊門外無量寺內春橋稿夏榮梅雨過而舒

葉

孩兜蓮樹大葉濃花厚色紅專治血症在百獅子橋

趙氏宅內一在東洞庭山翁漢津分植吳中只此

二株

顧淦趙宅今王有慶所得請為義莊祠金有容記

漢吳侯顧貴吳丞相雍梁建安令烜三墓並在白馬

嶺小黃山

隸吳邑十四都宋運使彥成元高士禧

皆耐屢被侵佔毘村支後裔世守之道光元年後

裔維拭尚煜步青震濤立碣表墓

伍王劍在澹臺湖中長五尺許有伍子胥歎時浮水

面人取之必病棄之即安

秋燈紡績樓在婁郊北塘雍正初建諸生莫讓繼妻

汪氏弟啟賢妻朱氏妯娌守節居之顧承曾孫頤

乞周行蔣寶齡繪圖以彰節行袁寶樹顧震濤有

記道光十六年紳士採訪彙請

旌典蔣廣燠  
闡幽編

吳王夫差義子墳十八所在陽山東

吳地記

臨頓今臨頓橋吳王逐東夷歇軍設宴於此

平江路古名十泉里有古井十口華陽橋南一奚家

橋南北各一徐家街北一魏家橋南北各一朱馬

高橋北一混堂巷口一無今張家橋南一苑橋北一

常熟嚴文靖公訥大學士坊在吳縣直街公昔冒試

吳縣眾攻擊之筭於此嘉靖時公為相建坊以記

舊忿顧公乾隆五十年邑吏嚴實捐修俞孝

庭記

八字娘：廟在北寺內每歲正月八月八日婦女祈禱資

福又在善人橋北馬崗山上趙增元記

周馮驩宅在長鈇巷有碑坟亦在焉

元旌義儒士金宏道墓在婁門外王巷村戴良誌吳中

冢墓記

吳王夫差廟在姑蘇山東北村落多有之朱壽添記

明旌表孝子南昌府通判顧順升傳載志書王敬臣高弟配享仁孝祠

墓在香山梅舍

南濠利濟寺十八石羅漢像經火僅存二尊甚稱靈

應

烏葉出支剏山牆壁間煮汁作黑飯四月初八日用之

名阿彌飯道家名青精飯或云即楊桐葉事類天

南燭葉脈藥

聯珠

明贈文林郎趙韓墓在清流山子耀孫名宦徐聞令

一鶴傳載志書王敬臣曾孫士俊元孫會魁炳傳

志皆祔

宋公祠陳皮半夏在渡僧橋北祠祀宋昭澤侯文獻

公禮元至正初曾孫莊建國朝康熙元年十

五世孫懋禧得仙授秘方法製為入藥神品閩廣

尤珍貴之宋相公

五人之墓四大字石碑韓貞文馨八歲書墓門坊上

義風千古四字楊廷樞書

贈雷瓊道少府董如蘭暨配矯淑人墓在周圓洪王

家村隸吳邑十一都朱綬誌如蘭孝友敦倫歷昌

義舉有功學校善堂屢辦賑濟全活甚眾

毛家菴在橫山九龍塢明善士張懷古捨宅建卒葬

菴中子近齋祔寺僧肖懷古夫婦像為伽藍神傍

有毛氏世忠祠祀明忠襄公吉殉節衛經維張文  
學爾張儒士兩照家人李陞祔廵撫湯斌給吳門  
無兩遍旌之按懷古維張外祖因無後毛氏世守

蘆根筦第店迎春坊歸氏世傳唯亭亦有一家

洽隱園在顯子巷多美石有小林屋石洞幽深明歸

湛所築後歸韓貞文馨所居今西為范太史來宗

### 洽園

陰陽臺在喬司空巷陰陽街內即宋元時陰陽學署

址顧達尊記

天下六泉唐張又新品定吳門有四第一泉郭璞墓前第二泉無錫

惠第三泉在虎邱山第四泉在治平寺即楊素井

戒菴第五泉在獅山獅子浜第六泉在蔣家圩

吳門表隱卷五

角直保聖寺前石幢鐫尊勝陀羅尼咒唐大中甲戌  
八年秋幽月崔渙正書并贊又刻宋皇祐五年重  
立等字

長洲

顏震濤

小野輯

太湖包山寺前二石幢鐫尊勝陀羅尼咒唐會昌二  
年僧契元正書首左右幢年月姓名漫滅無考  
真假山在元墓山明天順元年土崩露出玲瓏湖石  
二座高廣十餘丈中虛臬元盧熊題神獅出岫



運糧道在穹窿山隰明姚廣孝賜第茅蓬在籍食俸  
運糧梵路以達寺中

明吳罔卿默宅在王洗馬巷中有北宋尼姑墳後作  
花藥壇曾匿五人首級於此後移葬山塘至今種  
花木猶有英氣

羊腸嶺半有石孔常積勺水氣羶臭俗呼羊尿孔

朝真觀宋景定中道祥建地廣五百畝明太祖圍蘇城借

村紮營許登位日即還後改建於南京今社壇係  
七十二司殿其造房曲折紆迴俗名八陣圖

廣化寺

梁乾元三年諸葛某捨宅建

有五百畝之廣今有橋無寺

因果巷問邱坊巷東至雅園西至薛家街今有大  
井是僧厨故物舊學前民家敗垣中尚有佛像藏  
焉

二七阿太廟在篁村甚小神姓金名寧二又姓尤名

寧七皆汴人從高宗南渡居此沒為神司江河漁

捕歲有白魚朝廟之異六條皆顧公變記

吳將軍魯肅墓在陽山菖蒲潭上羊山志

瓦屑廟在太湖傍甚小中供石像二十餘位皆無頭

有以手握者相傳張士城被圍夜有石將軍結隊拒戰甚勇城陷石像頭皆墜地又云明末石人為

崇村人以鐵鋤去之袁枚新齊諧

金玉意如二太衛在卧龍街按二監賜明太保俞士悅

侍從築室以住即今太監街其墓在太保祠後有

高墩並塚像于太保公側

八大王廟在閭門接官亭對岸 國初 某親王駐

蘇安民薨於此士民立祠祀之患箭風者禱之必驗或云拒湖寇死難於普安橋下道光十六年浚

河廟前得古劍二遺砲一

蔡仙丹竈石在武山廣袤數十丈上有圓穴徑尺許可以置釜鼎下一穴圓徑如上高倍之能容束薪

孔貞行記

明孝子鄧汝南墓在馬公堂東庫里專祠後大樹下

汝南本樂工篤孝其母有圓石孝子遺跡里紳蔣

華張鳳翼吳鐘韓穀圭等捐修今蔣氏奉其祀

署平陽知府顧紹先暨配沙宜人副室周安人墓在

堯峯山隸吳邑五都紹先參帥幕司章奏歷任令

九圖龍字圩

牧清慎愛民久立戎功

恩賞花翎祀祀復舊

祠太史何桂馨立傳勒石並有遺像碑顧綠記顧

震濤贊藏虎邱支祠石韞玉韓封顧莼皆有題于

湖州府通判偉烈從九品應麒祔

宋佛智破菴二禪師塔在西華秀峯寺後

穹窿半山土地廟在膝潭上神姓施名醴泉神香山

寇死節投屍于太湖有螺螄羣魚護屍之異

穹窿大王廟在迨家蕩口神姓徐名念陽或云即忠

為至德鄉土穀神

老君堂在北園明萬歷四十二年松紳朱國盛創建

今郡紳立集善堂又移輔仁局於此

二仙堂在老君堂西偏祀明劉垢仙黑黑一作門人

方接頭曉夫繪園作有像甚靈曉夫之徒周文秀

潘酒保亦成真去

劉垢仙墓在老君堂後冢上有劉真人墓碣

通仙橋在老君堂西劉垢仙臥此凡小兒垂涎刮石

搽之即愈乾隆五十六年重建得鸞書雲路遺踪

四字鐫於橋石四條皆北

園小志稿

魚城在越來溪西岡勢如城有田百二十畝屬練溪  
趙氏土極細潤

梁朝羅漢松在西山攢雲嶺福源寺內

十廟明初建於東西兩營衛官祀河神之所非僧道

修齋之處又云宋時各城門皆有之係糧船公所

供奉龍神今多廢為壇基如婁門一廟改一在張

香橋西六廟九廟並在唐家巷底如匠門三廟改

官在倉街南五廟改五在韓家洪六廟在戴家街

九廟改九蓮菴門外有十廟改上並在東營如閻

石獅子甚靈異

門五廟即五在下塘十廟改朱在衛龍閣餘皆久

廢無考

東營梵音菴有宋時觀音像甚偉下有吼曾傷人今

以釘壓之佛櫃上鐫僧本立募袁仁道同張紫眉

築舍於此十五字二條皆

華陽橋洞碑有聖宋慶元四年戊午九月十三日戊

申鼎新重建華陽橋正書二十二字顧麟

醋坊橋洞碑有大乘陀僧智淨募緣到施主錢米並

自己衣資重建造醋坊橋至正丁亥年月日立正

書三十三字

宋集賢殿修撰王文輝墓在西山涵村建炎中救葬

林屋  
民風

汪家墳在桃花塢南岸明初處士汪得所葬子本孫謙祔家平不生寸草不禁人踐踏傍有明中烝祠祀浙江巡撫起鳳編修琬俟份教諭鈞中允士鎡知縣俊祔皆其後裔

汪棠  
稅記

明太師申文定公時行分祠在虎邱山萬歷四十八年建新歲一祭一在衛道觀東華堂公少時讀書

處八月十六日誕辰一祭一在感德菴內子用懋用嘉配春一祭之

明申少保用懋祠在楞迦山石佛寺春一祭之

明申大參用嘉祠在休休菴進士絃祚配義莊開倉日一祭之

申文定公時行宅有八處分金石絲竹匏土革木衙前百花巷各四大宅庭前俱有白皮松塔用青石西宅有御書同心匡辟匾大鼓巖高故物上所賜也今存東西跨街牌坊東曰台衡盛世道光十年義莊重建

西曰師柱清朝今米棧在山塘新橋冶坊浜三處  
賜閑堂在慕家花園 國朝初陳相國元龍所居

後為谷州尉志斌宅今歸董封翁如蘭宅傍有曠  
觀樓前有梅花園今廢婁門下絳埠頭有大學士坊

清嘉坊有狀元坊胥門皇華亭有狀元宰輔坊雍  
熙寺橋西有榮光奕世坊為申周申乾申士章特

曾祖父立

蒸山辰刻有雲雖亢旱必雨

圓妙觀三大字金太傅之後書乾隆四十年火朱茂

才彙源書道光八年燬石太史韞玉書

三清殿妙一統元四大字金之後書

山門外二碑亭康熙九年佟布政彭年遺愛碑道光  
八年燬

三清殿西角有木偶以頭樁著枅柱乃宋朱皮匠像

錢希言記

三清像背一孔以繩數十丈投之莫窮或云即海眼

乾隆二十五年人共見之

三清殿西楹老子像碑唐吳道子畫元宗衍贊顏真

卿正書宋寶慶元年道士馮大同題張允迪勒石  
三清殿石柱各鐫天尊聖號東首尚全西首已多更  
換下有小字文多漫漶所見有平江府長洲縣道  
義鄉衆善橋西街信士朱振並妻張氏七四娘暨  
家眷等奉道助錢伍拾貫置殿柱壹座超薦先考  
朱一郎先妣沈氏八娘丈人張口文母沈氏六娘  
又一刻宋淳熙三年宣教郎泰州海陵縣黃彥修  
又一刻顧仲六秀並妻趙氏五娘保佑又一刻迪  
功郎陳又一刻吉祥如意餘皆剝落

七十二馬蹄泉在牛姑浜雖高岡掘土寸許見水  
真官殿即漢都尉任延祠像猶漢制並祀唐創觀刺  
史任昭慶二像並存

明蔡郡守遺愛祠在育嬰祠內祀知府國熙有像  
蓑衣真人是宋書生何中立凡民疾苦禱翦衣蓑煎  
服如神後有淳熙銜書通神菴三大字碑

宋蓑衣真人何中立墓在蠡口道堂巷俗稱攝塚今  
誤呼歇塚

劉方伯祠在蓑衣殿側祀江蘇布政使崇祀吳郡名

賢殿衡向在山塘因圯乾隆初移像於此道光十年巡撫陶澍布政使梁章鉅按察使衍慶郡紳石韞玉韓封顧禮璜吳廷琛蔣賡堦潘師乾汪翼銘尤崧鎮潘曾彥顧沅顧震濤等重建梁章鉅記

鐵槍在府庫中宋淳熙中圓妙觀東嶽殿浚井所得槍上鑄有項王將鐘離昧製七字

元莫月鼎真人像碑在水府殿內上鐫象下刻傳明洪武十三年宋濂撰並書

無字碑在圓妙觀行宮門西楹甚高明洪武四年

清理道教碑方孝孺記後因忌諱刻去其文崇正十五年夏碑自搖動數日而止

三步橋在大殿東角道逢沛雨魚從穴出

銅亭在祖師殿庭鑄工極細宋時物

七星池在斗姆閣後池中有七井大旱不涸閣即古聚仙樓址前有古柏因名蓬栢山房道士莊蒙園韓有能先後重修今程炳元重構有園亭樹石之勝在池左右顧震濤有重修記

五鶴街在三官殿內或云莫真人遺跡



釘釘石欄干在露臺東側釘孔傍石生縐痕  
魚籃觀音像碑在觀音殿內

運木井在蓑衣殿庭東井中有木曾溺人今塞  
七星壇在水府殿內

天師石欄寄信船石欄相傳昔人焚書石下能達冥府在五土殿即

左右礪礫石宋人所鑿甚古

月牙池在後露臺東側亢旱不竭

靈雨壇在雷尊殿西外有五雷池曾改育嬰堂今為

遺愛祠祀慕少師天顏等詳見崇祀錄

麒麟照牆在雷尊殿外

楊芝畫劉海洛神二像在寶閣後樓梯左大徑丈餘

筆力超凡

古松在東嶽殿前又有銀杏二樹甚古宋初物

古栢在神洲殿宋初物

東嶽廟鐵爐銘有浙西道平江路在城居奉道信士  
王文祿上侍父親王伯明母親徐氏五娘清旨發  
心施財命工鉅造大方香爐壹座捨入圓妙觀東  
嶽殿行宮充供養專祈保庇父親母親壽齡綿遠

福增崇冀天祿室人周氏妙真身心康裕所求如意者泰定甲子年正月吉日置計十行三百字九

條參顧沅  
圓妙觀志

圓妙觀東錢氏藥店有不治之症刮檀木煎服可痊相傳呂祖到此遺丹於木後板已洞損無存又考錢氏之藥得之黃孤山真人所傳真人尚遺仙井在清真觀內仙磨猶存孤山傳其徒陳正孚陳傳其徒陶希仁錢氏乃陶所授今有稱錢芝川者是韓述升

菁即紅葡萄名大頭菜出太湖諸山

白露酥棗之美者出東山

壽聖公主墓在獅山宋高宗妹故名皇妹山

機聖廟名軒轅宮在祥符寺巷宋元豐初建甚小明

萬歷初里紳章煥王天爵顧豫重建以廢國

朝乾隆三十七年里人孫輔成王瑞生等重建五

十七年毛永昌等再建顧翰記道光二年緯接同

業公建門廡臺房祀黃帝並祀先蠶聖母西陵氏

東后方纍氏去字西后形魚氏作絲線磨針刺成章作眼以

雲機仙聖伯余始作機杼胡曹始制衣服見馬頭

聖母寓氏公主天駟星君苑窳夫人蠶花娘發

繭仙姑佐染仙姑紡煉仙姑造織仙姑助福大姑滋

福二姑崇福三姑馬明菩薩皆蠶絲之神參染色

花缸仙師或云即葛仙翁天仙織女照應局神神姓歐陽

機神褚河南父子張平子發花仙聖黃道仙婆始

振掉綜綫挈花踏棉接頭方仙廟門相國潘世恩

書為章于天另祀大撓氏等始作甲子黃帝吳郡

機業公所一在元妙觀內元元貞元年建一在花

橋閣上乾隆八年里紳蔣文源等建一在田基巷

一在顧亭橋南一在吳山嶺吳棟錄

涉園在柳貞巷東保寧知府陸錦建錦孝友能文為

官清廉乞歸創始義倉者園又名小鬱林顧司空

祖鎮書宛虹橋蔣司馬仙根書又有沈太史志祖

題聯曰誰知太守山林之樂時有羣賢觴詠其間

後易祝氏更屬沈藩理沅顧震濤記今歸顧上舍

宗瀚

明鄉賢太僕顧存仁宅在東匯祠在陽山大石塢名

大石書院督學耿定向建薛應旗記並祀周言子  
宋王蘋元顧愚明顧元慶顧啟明後移北寺東巡

按鍾繼英建巡撫周琬記文待詔徵明書此碑藏於北寺

塔中更移齊門外卧佛寺東知府金城建歸有光

記俱廢移祀復舊祠今祠中並無言子王蘋顧元慶三位俟補

明曹忠臣遜宅在齊門路南遜祖籍興化弟肅弟敬

皆長庠生有文行甲申之變偕祖母姜氏母張氏

妻李氏肅妻周氏妹持順闔門自縊死 國朝

乾隆四十一年旌表 賜祀北園小志稿

明蔣忠烈公若來宅在婁門接待寺東有玉蘭堂庭

植玉蘭五株甚古若來守金華拒 大兵巷戰力

竭自刎死妻王氏妾七人女二人子都察院經歷

傅廕生祖未婚媳趙氏闔門自焚死 國朝乾

隆四十一年旌表 賜祀

周孝子廟在外跨塘神姓周名泰非宋元初建

圓通古閣在東倉北開明橋元延祐初建明萬歷三

十年里紳申用嘉龔勲金士衡丁肇亨顧全蔣二

南等重建 國朝康熙初里人重建乾隆四十

二年燬里人王玉成沈廷全等募建延戒僧林碧  
守之僧素勵梵行嘉慶初屠璇殷在天等募修延  
穹窿道士金全資居之金敦內行有道術道光九  
年韓對俞孝庭嚴清泰范泰齡沈桂麟程元圭石  
成章十七年顧錦雲蔣庭英孫煜徐模廷孫炯蔣  
潤和俞燿趙增元張清選惟善先後募修顧震濤有重  
修閣記並製閣聯曰傑閣奉開明彼岸落伽山上  
名橋施濟度此見紫竹林中傍有功德祠

二郎神廟在葑門內西營向在水中突起一阜宋紹

興初建廟古名溪山第一祠凡患瘍者祀以白雞  
即愈久廢 國朝嘉慶二十年重建顧承記神

姓趙名昱

亦作李冰 二十六月日神誕

灌州人少從李珏隱青

城山隋煬帝偉其才起為嘉州牧有斬蛟治水異

蹟唐初封赤城王宋真宗時封清源妙道真君楊

山太尉開禧二年加封護國聖烈昭惠靈顯神佑

王

見郡邑志周虎廟記小知錄

傍祀消毒司神姓賈名島

貌甚猛厲

五月十五日

一在社壇巷明洪武十三年道士馮本

原揚處靜建一在教場西明正德四年建一在田

基巷

古太尉堂

即二郎廟又在平江路胡廂使橋南明宏

名圓通院

治時分建素著靈應屢經興廢

國朝嘉慶十

六年江西吉安僧德士

字靜

重修其徒本修繼勤

梵行中有石刻清淨慈悲四古隸字筆甚精勁曹

文麟顧震濤並有重修記

紫金庵在東山西隰唐時建中有十八羅漢像甚工

雷潮所瘞

金井自楓橋至許墅鑿井七口以濟行人築亭覆之

元金德元建

獅吼菴在閭橋南久廢道光三年畫禪寺僧明誠創

建漸購鄰圃次第增修其徒如然

字蒼巖

與其徒孫

杲開

字玉豐工書能詩

並嚴持戒律繼志興修中有木屏

香處頗多清致顧震濤記曹文麟書勒石菴中

石佛在閭門灣頭齊何求故物唐初寺廢宋中復建

明初又廢為民居移佛于陸墓村庵屋為賈寓易

袁易伍易歸易章至天啟六年里紳毛堪張世俊

張世偉贖復為寺像仍供奉

參百城烟水

喀莊敏公祠在管山名愛棠書院祀織造喀爾吉善  
歷任權使有德政者咸祔

科第傳芳褒封濟美坊在吳縣直街明嘉靖二十六  
年為郡人盧綱盧雍盧襄立已圯 國朝嘉慶  
二十年吳縣知縣朱樹基捐修

邵公祠在盧師橋已廢邵名失篤學敦行盧雍之師  
因名盧師橋其地即天賜莊一隅或云盧師菴址盧二條

高記楓橋東鳳凰墩漢蜀郡太守張睦墓塚高如山

傳詩堂在獅山平門明周太清由崑山從此家有古  
井十三口本清壽九十九卒元孫璉有儒術著周琳

集

糟酒公所在桐涇內祀武聖酒仙糟酒行同業公建  
道光十八年重修

廉石在郡學况青天祠前漢太守陸績自鬱林載歸  
置臨頓橋北明宏治九年巡按樊祉移北察院前  
改名廉石吳寬記 國朝康熙四十八年知府  
陳鵬年移置今所李果記

瑞石在郡學韋蘇州祠前明天啟四年浚臯橋河底  
有光掘地得之巡撫周起元名之曰瑞移置此處  
白石向在郡治雙瑞堂唐刺史白居易故物宋嘉定  
庚辰太守綦奎鐫款明歸中文定公時行宅

國朝歸繆侍講形有白石亭藏之

鏡石在甫里海藏菴擊竹軒中沃水可鑑毫髮唐陸

龜蒙光明閣故物明萬歷時許中翰自昌移藏梅

花墅後仍歸菴中

北辰綠

圓石在虎邱二山門去邱南書屋光潤如鏡汪太史

琬所得因名其地曰二十四石圃陳階

白公白姆二橋唐刺史白居易建白公橋久湮其遺

蹟在普濟橋北東側

徐士鏗里俗聊聞橋

蘇州衛即宋府倉基元淮南行中書省明洪武初建

為中軍都督府命吳良掌之領左右前後中五千

戶東西有武威恩光跨街牌坊尚存 國朝改

設守備千總專司漕運署恐在龐耆巷

清真觀社壇巷宋長洲縣社壇址古石猶存二條顧錦章錄

東營在長元學東北地即宋威果第二十八指揮所



南營在郡學南地即宋雄節第九指揮所二條顧廷枚錄

宋承務郎顏崙墓在金山崙曲阜人從高宗南渡家

於吳為顏氏遷吳始祖顏懷宸錄

孝子贈州判吳日華暨配張安人墓在陽山西新造

橋子孝子永元等祔

包氏祠在官山塢祀明處士少溪等乾隆十六年裔

孫州同光祖倡建光祖父御兼墓在祠之西隸吳邑十

二上光祖墓在壽山後裔世昌墓在稍東下官山

有石碣吳趨包氏位城六字李森隸書曹文熙錄

寄葉菴在東麒麟共渡熙初澤等輪捨宅為菴前臨

溪水後瞰原田最著幽曠等輪字善達通禪理因祖父奉佛自幼寶林出

俗母亦為尼奉鄭敷教金俊明有記徐崧有詩城百

烟母修持以孝聞顧沅供奉梁大同時古佛於此繪菴圖勒石顧沅

水久廢道光十年釋達覺重建十八年郡紳韓崇

記黃鞠畫顧承錄

明處士顧我肇暨配陸氏墓在元墓山奉慈村我肇

字原起孝友通經與周忠介公友善延至家課其

子茂蘭最久銅坑移居上津橋力復黃門公祠墓

命子孫世守之與顧大任墓鄰後裔多祔此顧維基錄

明鄉賢江西布政顧夢圭墓在唯亭平字圩

金閶塔在閶門虹橋張廣橋之間康熙初北

臨頓塔在兵馬司橋北明末沈二塔見郡學元

虎邱二山門類那耶迦二像明劉總管埭為世絕藝

香象菴在北街周通橋北即前明景亭寺址久廢

國朝康熙中釋道勤重建既而又廢道光十九

年釋定泉重修殿宇增建拈華室復闢放生池池

傍餘圃雜種花蔬村不與彪竹梧蔽屋中構聞思

修三間為專修淨處門外有古紫藤一本亘延

數家為吳中勝觀顧震濤有重修記潘皓錄

太史朱典宅在申衙前俗名陽昔有小園曾生白塔

申南金錄

總孝子祠在郡學西訓導署左道光二十四年郡紳

董國華汪榜倡建祀九邑歷代欽旌又史志

所載孝子總位知府舒化氏給匾曰孝彙中吳郡

紳董國華題聯曰崇祠近聖學宮牆孝行千春曾

閱匹盛典荷皇朝坊表清芬奕世梓桑光先後採

訪僂力倡祠佐理請題紳士吳琛廷高翔麟蔣慶均  
韓崇顧錦雲潘曾琦王汝玉包汝霖黃壽鳳汪正  
顧震濤吳仁榮陸毓麟吳仁立董世帷等

嗣後春秋編銀有司詣祭定期九

月之上丁日與總節孝祠相中祀國顧朝陸續陸

績黃香蔡邕國顧悌國張翰顧和國陳遺張敷

顧昌衍顧訓之何子平何點齊陸厥陸絳國陸襄

張種皇侃陸完陸稷顧協陳張昭張乾王固顧

野王陸繕陸瓊國徐穎唐龔景才陸趙壁張無

擇張承休歸崇收丁公普揚收宋李鰲范純佑孫

佻姚淳龔明之周容陳興立開趙陳振周津曹椿

年榮生張口陸十七曹社王份魏憲湯家浜某王

相邊惇德何執中蔣堂范正平王柝元趙良滌朱

良吉張德元秦玉過宗一范煥湯文英余日強金

宏道陳訓陳謙華翥康廉文信林寬葉秀實陳瑞梅

應發范文英虞炫明瞿嗣興虞宗齊錢迪陳貞范

從文莫轅徐植王斌陳晉范廷珍范廷珪陳安戴

君用顏琇王洵王淳王賓劉敏支琮樓澄謝文彥

徐貞陳璠吳璋吳凱王鑑王漳杜瓊吳珵徐協祥  
朱顥吳中英顧淳金口歸鉞歸繡王億孫雲秦霽  
姚木顧坤沈楠李濟錢之選屠嘉賓儲國本秦瓚  
李文詠張尚友吳士志徐明俊陸延枝黃守道沈  
柱臣邱文學張世偉朱陞宣張雲龍王安鼎朱紱  
顧順升朱祖文金光裕金文裕盧應琦盧士達戈  
如珪鄧汝南申用明楊大滌沈自然袁扉朱履正  
沙舜臣沙舜年沙舜民周延祚蕭雲程陳國珍盧  
守善金秋申士虔頌嘉會陸炳顧允烈顧允暉許

獻吉杜遵陸銓孫讓允邁方尤大中顏昌丁綿陳  
繼張基言信繆樸申傳芳李維麟馬廷試王魯龔  
炳衡周文鼎周尚賢王文祿孫永正徐道陸桂陸  
含章錢法馬瑤曹六二子丁肇亨周應僖尹在庭  
沈伯剛朱昱張沖郭琮杜偉鄒谷鄭照蘇應鳳張  
雲漢宋泰王敬臣劉鉉陸采尤挺秀顧愛石劉珏  
顧宗孟宋實粟徐滔陳世暉張尚之顧振潘王潔  
徐文奎徐文璧朱壽陽周察邱芳宋子明陸師道  
丁世雍沈年王琦顧啟明申時行顧嘉會錢邦彥

張敞金某顧士安顧宏圖黃河清黃姬水錢鑄蔣  
燦陳濟生徐縉陳植張巽蔣安李茂施顓吳憲盧  
士誠杜瓊袁彝袁績朱良亨祝俸許綸殷懷沖繆  
天秩金潮范彌章馮懋良卮鍾伍孝先方子服黃  
筮湯珩屠潮張玉沈岳伍溶袁一鶚袁一鯨蔣初  
施仁王有極孫文明范來安王敬張阿童楊玳蔡  
至中鄭光宙梁阿柱唐股村某李志學袁曾邱端  
葉向日趙恩周誠吳士俊袁東徐季昭吳承恩顧  
寬顧宏沈奎申思沈忠沈孝王尚仁王瀚吳蔡

賢朱家柱屈啟河庚薛大訓吳汪顧宗義  
沈士哲錢允遴陳鐵三王之鉞嚴尚志儲國本林  
德張巽顧憲徐明俊郭尚賢黃家柱黃鶴算王皜  
徐讓王永昇殷敏秦傑沈良張遵錢某顧璟葛潤  
龔松殷庸周祿周文忠陳璫許獻吉錢之選唐一  
岑殷奎殷壁甘霖徐任梁昱王煥如沈濤李峻潘  
士元陳嘉猷黃嘉芳周室琳沈經國徐元祐呂懋  
宰朱應芳張重欽柴永清蔣紹芬朱秉孚何夢得  
支劭支寬俞子義俞敬尤大中朱用純劉淳懿沈

徵憲張崑徐沼呂思望邢桂周在許君甫吳應奎  
周應謝復先朱國軾歸之申陳侗朱圭臣朱雋臣  
顧亥伯顧逸周鑑封俞亢初周虞璇周煥若錢天  
圻錢鰲祐周此聘柴士蘭何日起何道行祝侗朱  
順葵朱曇守金必達夏舜臣曹應旌許炎蔡方燧  
陳永年文從簡周茂蘭姜寓節

國朝

欽

旌孝子黃向堅顧天朗李大忠唐肇虞邱存禮郁  
聖揆金拱辰殷鉉王松齡張士仁王廸惠王浦珍  
沈自顯歸聖脉江宗瀨顧行儒沈萬育朱之勵朱

鳳蔡來信徐杲孫孫兆鐘孫泰汶盛建極劉  
振時徐國搢呂連錢聯珍楊秉鉉朱維藩袁上林  
葛以時嚴渠成姜舜權文齡趙嗣孝王子齡蘇宗  
芑席永昇孫穀純王樹聲潘滌錢邦憲陳模湯之  
仁程永祖方煥先李象塚歸復徐王之鳳景流慶  
江可喜王尚祐孫豐穀厯佑陸維賢曹天祿嚴代  
言王惠顧松揚楚皇甫鈺共農施澄汪重璋揚成  
懋張文魁管增李漢曹天祐徐炯徐麟嚴漢鈺顧  
晉錫吳聲九陳時夏顧惟灝包子肅江國楨王如

松費孝友蔣時楨葛汝翼方輔陳世洽程邦俊蔡  
之後袁廷冕程宗海陳應隆謝文錦徐煜徐炳沈  
永吉計廉善呂正璣夏珍金瑞鳳江雲懿周家瑞  
李文龍楊岱華潤顧勳臣董淇徐金霖程大儒程  
文煥王宏紱曹維屏楊師曾江大林皇甫沆程允  
元施岳戈寅襄汪景沆汪昭續請 旌表孝子  
江大浙王簡江大濟顧國本瞿昌文袁駿陳元模  
胡昌虞顧鰲盛鼎蔣逢源江文樂江文析江文懋  
王逢吉王家瓚沈詩顧述鄭元良沙舜韶沙恒  
銓顧樂胥張惇王沈凡白徐起鳳顧鼎冕蔣晟  
顧載光劉炳顧延年韓勸彭寧求馮崑朱璣宋照  
宋祿綏徐晟張鳳孫顧孩良朱埰汪士榮周秉義  
錢榮蔣曾萃劉龍光顧廷錡沈廷璋吳時濟吳士  
昇朱慎閣陳夢升陳樹珏徐尚倫顧思况鄭履仁  
施燦任德成朱大理何壽王九錫孫璜顧大鵬宋  
獻玉龔漢瑛戈地憲徐炯郊應鳳馮一桂包士奇  
顧鼎榮王嗣芳許棟張正國顧鳳儔朱定觀程樹  
文從昌徐南橋顧芬沙祚遠蔣鳳階袁大德文赤

甘祝獻何為光葉大福鮑士麟蔡大任鄭茂訥顧  
文元尹天章楊模王士元顧達科許瓊孫緣宗程  
燿顧言鮑效良吳時濟吳國璋董煥方岳董志玘  
王成周夏世臣胡維賢趙承經錢震冲席永劼顏  
中和張長瀾李長根姚易修呂西圃汪文逢蔡友  
文揚士選鄭廷炳趙雲豹徐有章顧啟賢楊无咎  
王起宗馮庭芝馮璟方志貞徐昌世戚翰仙王明  
遠蔡家駒顧永仁顧廷楷郭進石守中顧鳳山費  
大受陳清沈士麟嘉徐聖嘉陸維賢

李正明錢金禾嘉徐聖嘉陸維賢沈邦立陳允滋張嘉瑾張然  
旦潘文進潘保光馬世春潘鶴張培德徐孺芳王  
謂朱良法沈國琇陶明元程逢源吳珠光金廷炳  
朱尚德王鼎吳隆儒吳逢源吳梅韓右章翁三祝  
趙士竒費珂楊景珏楊景崑許珽馬維仁盧秉銘  
吳長生鐘廷貴許源陸祚趙汝能張廷華譚廷爵  
翁謙生屈坤譚文寧李繩良廷壽杜松喬張淳袁  
恕唐士起顧培源王寶南鮑守義譚廷奎程文魁  
張國紳譚侃許一鳴樊敦沈敬文程大猷沈鑑周



時行平源邵實宗渭李時白陸安節鄭侍陞方志  
貞唐琬葛光燾張友誠華德如湯淵孫穀蔣大忠  
趙祿程祭葛穉堅金永晃葉嗣蔚支萬春朱肅鄭  
伯昌周尚文王掄春任遇亨任裕德張守禮王仲  
祥王開先莊覺潘吳機孫道光鄭燾高馬淞沈廷  
章柴鳳藻陳日涖陳榮棟朱立誠顧麟浦湘錢儒  
瑛張予焯陸之濱陸嘉棹錢文楨錢涵吳常曹起  
鳳葛李琦孫泰觀陳朱組朱茗張承基黃桂湯瑚  
吳廷彥顧之振

熊周邦灝趙峭孫嘉慶吳燾張鶴鳴沈彥璋胡  
鏘方履謙汪之萼顧仁隆曹均陸嘉棹顧易諸世  
器徐某顧嘉瑞顧嘉祥譚廷銓王伯棟毛金墉施  
城黃林宋文綏陳大賓張文奎吳鶴湖沈仁業袁  
松年汪紹裘吳日華吳永元胡鳳儀顧瑾張修來  
顧方民唐文玉顧庭萱朱啟吳其相邵某洪震謝  
皆吉施永貞雷燮琛生存七元倫金廷訓

附旌

凡孝行載入志書及。各大憲旌問者或附之

吳門表隱卷六

長洲 顧震濤 笠孫輯

東山碧螺峰下靈源泉患目者掬而洗之必愈

西山法源寺外二池水一青一白二條皆采風類記

文昌宮即太微律院在澣墅關明萬歷初張宏德宏

模宏祚建全真道士守之按全真宋王重陽祖師創戒律付邱長春傳法

演教與正乙異 康熙二十二年權使黃懋揚重建

文星閣向在東禪寺內明萬歷十五年巡撫周繼創

建二十三年知縣江盈科移建今所形方四成高

國家圖書館, NATIONAL CENTRAL LIBRARY, TAIWAN, R.O.C.

十三丈圍二十丈四尺任其勞者典史唐惟仁生  
員劉伸吳良治黃承詢袁本陳朝東已後修建者  
知縣祁承燦韓原善許爾忠涂必昌邵紳陳仁錫  
文震孟彭瓏吳愉宋德宏繆彤顧沂彭定求吳承  
勵汪銓遂為士子肄業之所

千佛井在柴河頭湯氏宅內井欄鐫佛像甚多相傳

水可治疫

二條褚  
通經錄

落星石一在長署西義役倉橋傍一在吳縣學門西  
一在開元寺側一一獅口落星港一在北濠勝堂

東京啟聖禪院佛倣通志記碑在婁門關帝廟內乾  
隆初里士韓詩元旦謁廟墾土得之上鐫佛像下  
刻經文末署蘇州長洲縣上元鄉煙家橋西居住  
嗣男寶臨施財刊石追薦妣諸氏七娘遠年生界  
元豐四年五月望日立石勸緣行者趙道堅吳郡  
張琪刻正書二十七行

崇正宮橋青石扶闌琢工極細具見纖毫無

十四井在顧亭橋南楊家田在咫尺間有方有圓有  
八角甚古皆以石板覆之

十二井在齊門新橋巷瑞蓮菴後菴久廢畫禪寺僧  
如本創建道光十七年夏浚放生池因見之

明文學於叔夜宅在西麒麟巷有舊園即吏部皇甫  
沅月駕園之一隅錢希言亦居之今為黃贊府均  
宅

性善公所在班竹巷闔郡漆作公建並籌郵同業孤

寡殯葬道光十七年呈官創建中祀祖師神姓邱

名彌陀像如頭陀九月又祀楊墳漆始制

花橋水閣唐時已建上白居方詩國朝褚篆書

編今汪水部留堦下書乾隆八年里紳蔣文源沈

志祖汪鼎煌顧廷煊蔣應焯等重建增建文昌閣

軒轅樓嘉慶二年蔣曾煥等增建魁星閣

城中七塔之外更有二塔一在平江路張家橋北首

宋初顧氏建康熙三十年圮一在石塘橋巷底康

熙二十九年羣兒戲築而成時有南塔傾北塔成

之謠顧仁記

繡祖廟在水仙廟側神姓顧名名世明官明一在周

孝子廟側神姓顧名竊按神國初守廟人馬卒也篤孝其母母死觸廟柱

死俗稱顧太太民間小兒為繡緯之神俞大猷記

大姚鄒山宋迪功郎金章墓寶慶元年築塚甚高

大姚山上有文殊院梁天監間建佛像甚古四面皆

渠數匝謂經行道之跡唐守人題詠多鐫於壁

宋高士顧暨鳳配姚令人墓在潭東彈山隸吳邑十九都六圖福字

圩子太常明命侍御明德祔道光二年裔孫維坤

立碣傍有雙壽庵鳳夫婦皆年九十建次孫彥恭

為僧守之并有祠嘉熙二年僧淨了重建廢元孫

宋學士仲六秀墓在龍山龍山歷宋元明後裔咸祔

土人呼姚官墳明鳳配享仁孝祠亦葬此

顧志祖錄

元處士陳千二祠在橫山圓覺菴內

元處士吳逢祠在武山壽寧菴內

宋閔仁甫祠在長邑九都報德菴內三條皆蘇志

宋處士閔榮墓在楓橋塘西子超仁度媳鄺氏八娘

顧氏十二娘祔大中祥符五年錢塘僧居蘭誌仁

度自書今道光十年春里人開溝見碑

紫泉廟在塘灣伏龍岡宋乾德二年建神姓步名隲

吳丞相傳載長洲縣志列祀復舊祠

封至德鄉土穀神門內有古栢

門外有古井不盈不竭水可治病即名紫泉一在

三里村名新興廟顧震濤題聯曰相業炳孫吳孝

著江東名高甄胄一代功勳齊陸顧神威司至德

泉開古社栢蔭新祠千秋裡祀配樊孫

河涇候廟在石獅涇內宋紹興初建明崇正十年祠

裔錫疇凝遠大任等重建神姓顧名愷之

字長康晉虎頭

將封金鷺鄉土穀神一在陸墓船底橋一在莊橋

北首武陵小史

守中堂在郡廟東長安街山麓熙九年春里士朱厚

寰倡緣道士李撲建葛芝有遂為千載乘雲之人

敢忘三年築室之義刻於楹柱

百城煙水

倉聖祠在虎邱三泉亭祀史皇蒼頡以歷代名書諸

賢祔嘉慶十一年紳士韓是升范來宗潘奕清申

檄蔣莘等建朱綬錄

城隍廟東房三官像趙澣手埽用脫沙法澣又能作

羊皮燈自轉石磨皆人所莫及之技

甫橋東西跨街二石坊東曰清朝法從為丁世熙元復

父立西曰藩屏碩望為鄉賢丁元復立今元和縣署是元復故宅元和舊志

永定寺大殿上鼓為郡中第一宋初遺物

黃土塔橋側昔有古磚塔或云亦八幢之一

專諸宅在專諸巷即石塔廟久廢移像於關帝廟西偏

陸墓有二一在金鵝鄉唐忠宣公贄墓在馬傍有仰

賢堂祠公及明大學士吳一鵬順治戊子金俊明

方夏楊補結詩社於丁水一在益地鄉晉大司

馬雲衣冠留墓處二條申詒芳記

保吉利橋石幢上鐫佛像中刻七如來聖號有座甚

古中多繚痕唐時舊物

議叙鹽運使汪文琛墓在大姚隸元邑廿七都北五圖兩字圩文琛

力行善事屢倡義舉有功郡學具載志書

工部主事陳鶴墓在靈巖山西硯山秦侍郎瀛誌鶴

孝友清正時稱君子祔祀名賢復舊等祠

首烏粉在來鳳橋下塘周氏古訓堂世傳法製

梁高士祠在隆興寺側祀漢梁鴻道光十年布政使

梁章鉅建並建高士樓于滄浪亭祀之

石樓在潭東累石而上其巔名萬峯臺梅花旋繞最

為清致吾師沈德潛未第時有詩曰莫笑老夫筋

力盡一筇直上萬峯臺之句源顧培韓宗等重修

冶長涇張姓世傳治骨哽方藥甚驗

尹山尹姓世傳治獐狗方藥頗入神妙二條韓紹纓記

兜率宮在天池山就山鑿石為屋三間中鐫佛像及

侍衛之神與供養之具又琢石為五十三參刻三

十五佛號元至正丁酉僧道在募成其工甚鉅

雲南益課司提舉貝紹溥墓在陸墓高涇巷紹溥力

行善事孝友能文倡始社倉載入郡志彭尚書啟

豐志公有家訓曾孫墉乞梁學士同書楷書勒石

藏之虎邱桐橋貝氏節孝祠內並有遺象彭侍郎

希濂為記題詠甚富

凝翠樓在橫山西跨塘橋側明隱士徐政字蘭谷忠

祖曾與文徵明王寵輩結吟社於此徐僖後改名璽

園陳敦復新之至乾隆初貝提舉紹溥得而重修

易名澹園用舊額趙子工部模有園中十八景詩

宦光所書



曾孫墉有感舊話舊二圖題詠頗多顧承顧震濤  
並為記二條貝

不染塵觀音殿在北寺東像甚偉妙脫沙異質不用  
土木宋紹興時金大圓募建名手所埭邊知白記  
明成化十九年張庭玉重建萬曆初燬三十二年  
郡紳徐泰時配馮恭人同男洌澹瀚重建得周廷  
策所埭尤精并塑地藏王菩薩於後內殿又埭釋  
迦文殊普賢三像頗偉管志道記

僧道餽食糕饅店在醋坊橋山沈氏世業

軸頭店在周啞子巷馬氏世業

麵樣店在新街橋。姓世業翦紙為之

麵餅袋店王洗馬巷夏氏世業

肺露在廟堂橋北張氏三和堂世傳法製徐澁

太平府教授張鳳翼墓在東龍池隸吳邑廿都二子

貢生惇五祔鳳翼孝友敦行文章名世祔祀復舊

祠

飲馬橋關帝像順治二年閏六月十三日土國寶屠  
城至此俄見聖像提刀跨馬挺立橋上兵乃止遂

免屠

仙掌峯在華山東上有石觀音象祈子頗應下有巨石中虛銳覆底有掌痕伶仃弗墜名大石屋

尚書巷舊名修竹巷明吳文定公寬所居宏治十七年知府林世遠改今名巷東口有尚書會元斯文山斗三坊跨街後為顧御史其國宅

吳殿直巷宋吳感居此

錢都衙橋明錢貴居此

五條皆申詔芳記

海王廟在婁門外龍整二神即忠介公瑞一在外跨

塘崇福禪林左

范文正公義莊在芝草靈橋西即范氏舊宅郡守李

大異書范家園三大字碑在焉東隅是吳縣廢址

相傳文正公曾雪周羽寃後其子官吳令請讓地

擴莊今莊中土地謂周某云

顧公宋皇祐元年始

建莊莊中文正祠咸淳三年所建

祠祀詳見志

附蔣賡堦義田義宅考 吳中之仰范文正公猶

斗之有杓也義莊中城而立保世滋大其為邦國

之光而宗族以碩大蕃昌者聞嘗稽其譜牒按其

規條而一一考之文正本疏廣散財宗黨之意於仁宗皇祐元年始置負郭常稔田仲子忠宣公純仁於神宗元豐二年增置義田自是相繼續蠲得四千餘畝其後盛衰隆替變遷非一世也至參議允臨大同知府瑤先後各蠲千畝而始復舊觀此其大畧也按文正有四子長監簿純佑次即忠宣三曰恭獻純禮四曰侍郎純粹義田之舉忠宣繼述為最而保守祠墓以無墜先緒至今則又出於監簿苗裔范氏有十六房出自文正者四此外郎

中房子姓繁衍為文正三從姪孫世延之後文正以上墓地皆在支硎山文正墓在河南洛陽縣彭婆鎮之萬安山至今洛陽墓葺修猶取給於莊而知文正之流澤遠矣所謂義宅者文正始闢南園地為宅繼思之乃曰私之一家不如公之一郡爰即其高祖麗水丞公名隨所居靈芝坊地以為義宅是宅當在唐懿宗咸通時也且夫義田與義宅相表裏者有田則老有所終幼有所長鰥寡孤獨皆有所養有宅則八歲入小學十五入太學春誦

夏絃無輟乃業本司徒六行之規重以睦姻任卹  
綜學正四術之典教以禮樂詩書有其舉之弗敢  
廢也慕為後者盛弗傳焉夫先憂後樂文正之心  
而以是名其地者後人為之惟歲寒堂君子樹松  
風閣為義宅故蹟文正有詠見全集可據若夫天  
平山之講學堂清白知本敬身三者元至正時後  
裔改建於此蓋支硎係賜山非義宅可知或因賜  
山而類及賜湖此又范文穆成大之事儒者不可  
不正其舛誤也抑又攷之莊之中其始總理其事

曰掌莊其主奉之名始於宋度宗咸淳十年提管  
主計之名始於宋端宗景炎元年典籍之名始於  
明成祖永樂十五年莊之中為文正建祠在宋咸  
淳時易祠為書院在元至正時嗚呼文正之流澤  
遠矣數百年後聞風興起者有若申文定時行陳  
文莊仁錫故三姓之子孫至今食舊德云然而義  
田義宅雖創守由范氏實賢大夫為之興廢而舉  
墜補弊而救偏宋南渡時以編民豪據而一變於  
宋得提刑何異郡守鄭若容於明得巡撫大理卿

胡概周文襄忱及郡守况鐘復其田產免其科糶  
寬其賦額此義莊所以崇德報功而千秋俎豆之  
勿替也及湯文正蒞吳月吉親詣范氏義莊與至  
德廟周忠介祠同垂祀典率吳民以禮讓忠節移  
風易俗治臻上理焉而義田義宅之名吾吳婦孺  
所熟悉而藉藉人口者也林大中丞則徐正  
誼書院課選古文  
申文定公義莊在休休菴向在胥門  
外日暉橋明萬曆初文定  
公時行創始子用懋用嘉增益成之用懋有義莊  
規條序見志

陳文莊公義莊初在仁一圖明崇正三年文莊公仁  
錫建叔允昌董其事仁錫有義莊記見志

陶義莊祠在因果巷祀議叙員外郎篠雍正二年建  
並祀明殉節指揮後等於寢世魁篠配王鳴盛記  
父  
志見

戈義莊祠在善教浜內祀 欽旌孝義 贈通

議大夫元燭子黃鴻黃詠黃淮黃湘配乾隆二十  
六年建并祀明文學堂於寢地憲元燭配  
父

江義莊祠在胥門小日暉橋南祀 欽旌善行監

生滋乾隆五年建

袁義莊祠在聞德橋西祀

欽旌善行布政司理

問廷棟乾隆五年建

潘義莊祠在混堂巷內祀

欽旌善行 贈中

憲大夫穎昌子元忠元常元純孫文起文模文龍

文虎配嘉慶九年建并祀明指揮留孫等於寢法

式善記見志

吳義莊祠在桃花隄祀

欽旌善行內閣中書舉

人文垣嘉慶十年建

董義莊祠在思婆橋西祀

欽旌善行 贈登

仕郎秉珩道光四年建并祀處士乾初等於寢吳

廷琛記

張義莊祠在懸橋巷西祀

欽旌善行 贈朝

議大夫鳳德子愨祖配道光五年建并祀明處士

維梓等於寢張清選錄

汪義莊祠在山塘白姆橋東祀

贈資政大夫和

子世模孫文琛配道光七年建沈恩光錄

徐義莊祠在葑門盛家帶祀

欽旌善行 贈

武德騎尉濤道光十年建並祀孝子炯節婦於寢

潘義莊祠在懸橋巷東祀候選布政司理問贈

寢

大學士冕子奕雋奕藻奕基孫世璜世榮配道光十五年建并祀唐歙州刺史名暨主事景文等於

王義莊祠在百獅子橋祀欽旌善行 贈奉

直大夫仁道光十七年建并祀明會稽令承寵等於寢

韓義莊祠在婁門張香橋北祀予告前刑部尚

書對道光十七年建並移祀明貞文先生馨於正



楹原祠在竹堂寺子樵孫騏曾孫是升元孫封等附并祀

明處士思聰等於寢

丁義莊祠在懸橋巷中祀欽旌善行 贈儒

林郎候選從九品荆堂子錦華配道光十九年建

並移祀明鄉賢浙江布政元復於正楹原祠在子

文起肇亨裔孫揆棻附並祀明贈蕭山縣訓導謙

等於寢

王瓜蛇在東北園野田間形同王瓜甚肥短最毒

宋祇園果和尚塔在雙橋茶亭下臨河岸傍有古園

碣鐫字頗古蔣潤和記

吳將軍祠在婁門外西街南祀明贈武畧將軍萬新

子殉節將軍恩洪武二十年敕建以世襲校尉忠

陞暹惟秀堂承祀六世俱配國朝道光十五

年裔孫錦湘等重建吳元潤錄

明殉節將軍吳恩墓在婁門外西街隸元邑廿四都十四圖壽字圩

恩長洲人洪武初征寇陣亡賜塋子孫咸祔之後

裔增生鐘墓在外跨塘巨杭村隸元邑廿四都十六畝友字圩鐘

力學敦行有功學校力修各祠吳門補乘監生錦慶墓

在上沙馬鞍山隸吳邑十二都一圖規字圩錦慶孝友樂善協

修郡學者吳廷澍綠

小九華在角直東柵尼菴中有無梁殿三楹均以磚

瓦空砌不用寸木顧文杓容裳錄

櫻鴨墩在上崦內上有古僧萬祖龕此字搭人不敢

近道光十八年里人欲修惑於傳說因書天無忌

地無忌陰陽無忌百無禁忌焚化祝告開工俄見

古輒鐫字有正統年間修亦有天無忌等十七字

見者驚異徐文椿記



浮廟墜在下崦內明董氏所築

草鞋山在陽城湖灘十一圖

黃壁山在月澄橋堍傍有 關帝殿又有 欽旌

烈女周愛姐坊

明贈指揮顧華暨配趙恭人墓在費家河頭今在大

乾學子指揮言暨配伍恭人附士人稱墳塚前有誥

命二碑尚存

補履先生附祀名賢祠錢近仁墓在虎邱西麓隸元

都八圖按察使汪志伊題錢處士墓碣吳門許寶

男字圩

善誌太史朱鈴運使李世望助葬焉

婁門外沙河塘北有碑廣四尺許長四倍四面如之

三面刻相視歌前後皆築塘時相勞語惜已剝落

其東西記民謠曰遠挑新土纔希罕露盡黃泥始

罷休兩岸馬槽斜見底中間水線直通頭宏治丁

巳督理浙西水利工部主事姚文灝立石此碑曾

作人語堅瓠

明鄉賢禮部主事楊循吉墓在壽生菴右見志實在

南濠南新橋底久廢嘉慶二十年郡紳范來宗潘

奕雋宋鑣范正庸捐修廵撫朱理記

明文學孫顯墓在新塘橋老鴉濱隸長邑九都三子

榮華孫瓊瑤曾孫益恭元孫承懋皆祔承懋字奉

橋王敬臣高弟敦至行配享仁孝祠七世孫禮部

侍郎岳頌暨配徐夫人墓在福壽山隸吳邑九都

岳頌傳載志書祔祀復舊祠十一世孫監生成標

墓在下郁薛家灣隸吳邑二都下成標篤孝敦義

佐修郡學

吳門表隱卷六終



國家圖書館, NATIONAL CENTRAL LIBRARY, TAIWAN, R.O.C.

吳門表隱卷七

長洲 顧震濤 非之輯

蘇公祠在定慧寺後向有蘇文忠公像及所書歸去  
來辭碑久廢道光十四年按察使李彥章郡紳石  
韞玉吳廷琛顧沅倡建總督陶澍巡撫林則徐織  
造豫筮布政使陳鑾按察使怡良鹽運使俞德淵  
率屬捐廉助成邑尉夏廷松紳士徐僖彭慶長蔣  
賡堦顧震濤孔繼堯佐其事沅復購鄰房創造園  
林有嘯軒蘇亭雪浪軒蘇軒思無邪齋諸勝祀文

忠公軾明巡撫周文襄忱知府况鍾配另附宋判  
司王文罕寺僧卓契順等總督陶澍題匾曰心境  
奇絕書聯曰喫惠州飯和淵明詩陶云吾云書就  
一篇歸去好判維摩憑到東坡界人相我相笑看  
二士往來同巡撫林則徐題匾曰緣並二邱書聯  
曰嶺海答傳書七百年佛地因緣不僅高樓鄰白  
傳岷峨迴遠夢四千里仙蹤游戲尚畱名刹配黃  
州布政使陳鑾書聯曰翰墨溯高風輪扶大雅椒  
馨薦遺愛鼎峙前修按察使李彥章書聯曰江海  
宿緣深片石猶畱古吳郡軒楹遺址拓薤香長溯  
舊蘇齋知府沈兆雲題聯曰方外猶存傳墨妙此  
間端合奉詩仙李彥章并輯蘇亭小志十卷行世  
朱襄趙廷熙序

三山在太湖中上有三峯吳妃姊妹各居其一有廟  
甚古

五老七友二圖碑在滄浪亭名賢祠古廡五老潘京  
卿奕雋吳太守雲石廉訪韞玉韓尚書封陶宮保  
澍七友顧銀臺蕤朱宮贊琿朱侍郎士彥吳京卿

廷琛梁方伯章鉅陶宮保澍卓府丞秉恬七人皆  
林朱珩記梁章鉅書孔繼堯畫道光十年立郭鳳

錄

趙園在李繼宗巷內明大學士吳一鵬真趣園址池

中有巨石鐫嘉靖時人詩山塘有閣老廳北濠有

菊花亭蓮花堰 國朝雍正初趙成秩重修今

為戲園

竹梧園在舊學前明醉竹先生顧汝玉築中有亭池

樹石之勝後改為父子鄉賢祠祀汝玉子太保其

志孫節愍公繩詒孝行廷錡瑾附錄顧承

明孝子尚寶司丞申傳芳暨配黃夏二宜人墓在吳

山隸吳邑二都三

三閭大夫祠在黃埭鎮中塔橋堍祀周屈原庭有古

栢甚靈異顧庭萱有詩稱八景之一

石崇大王廟在黃埭市東廟橋北堍

孟良墩在蠡口北市稍河中乾隆五十年旱夜有光

衆異觀之得古刀未幾失去三條毛

寶積寺在塔兜巷原本作糜都即要離宅故有廟梁

天監二年改為寺因祀為伽藍神乾隆三十一年夏雨壞墻露出鐵砲六位敗盃無數鑄有宏光二年順治三年等字并有麪餅六壘已朽顧公寺中奉忠孝王伍員像亦甚靈異

陽山土皆赤惟岳園一區泥黑產笋最肥嫩香如蘭蕙

明嘉定伯周全賜第在吳衙場西 國朝順治四

年改為織造公署舊署即故東有坤儀毓秀坊南

新局亦全賜宅別墅在香雪海左俞鴻臚良史故

宅今尚有周家街之名

明周烈皇后祖墓在婁門外木香巷內贈光祿大夫

三槐后曾文學后全父所葬都督崇祀名賢祠鏡

鉉環鉞現銘鐘鐸鑑皆附前有聖善發祥坊及石

香爐甚大而工

香雪海在馬駕山亦名朱華山汪琬康熙三十五年

巡撫宋犖書三大字鐫於石三條周

顧司空祠在虎邱花園街內隸元邑九都十二祀工

部侍郎藻傳載太倉州志康熙四十三年巡撫宋犖建並

書名卿芳俎匾上懸

欽賜

御製詩曰銅

梁千里曙雲開寶篆初從紫府來天上已張新羽  
翼世間無復舊塵埃康熙三十三年五月十六日

賜內閣學士

臣

顧藻嘉慶初知縣王有慶重

修顧宗

文記

明戶部侍郎申紹芳暨配丁夫人墓在蒼梧橋

隸元邑九

都十七

高紹芳崇實學敦內行王敬臣高弟崇正

五年平海寇劉香亂居家教育宗黨父歿哀毀卒  
配享王仁孝祠

明詹事府主簿申薦芳墓在吳山薛家灣薦芳篤於

孝義歲凶購粟施濟鄉里賴之逢疫延醫施藥全

活無算徐枋傳

明中翰申繹芳墓在虎嘯橋繹芳博學能文有聲復

社

三條申治安錄

水平王廟在銷夏灣水中宋慶歷七年知府胡宿建  
神像几龕皆石琢成墓在太湖馬山分水嶺后稷  
庶子佐禹治水卒葬於此

五百三十畝潭在甫里昔築張林山起土成川中有

一整植桃柳栽荷芰頗佳

金千戶祠在下堡鎮祀元名賢宏業子榮三榮四配  
道光八年裔孫啟鎮建并請襲奉祀生

徐僖錄

明鄖陽巡撫崇祀吳郡名賢祠郭諫臣暨配徐華談

夫人墓在螽口北邱巷隸長邑上十四都諫臣傳

載史志欽嘉  
枚錄

司徒墩在胥口香山外

蘆柴墩在沈塾橋北

婚姻墩在橫金昔有女子送葬與人結姻於此真率  
筆記

石韋馱在濂溪坊西民家像高逾丈宋初資壽尼寺  
故物

太平窯在鼻橋東民家內陷穴甚曠或云明初人造  
防大火以便納物二條爨  
心齋記

石獅在吉由巷名醫鄭氏門前光明如鏡有靈異損  
一足旁有古石盤磨一具皆宋時舊物一在郡廟  
西任錄功祠對門甚古亦損其足

石田螺在崦東菱蕩橋洞底石遺跡猶存顧文  
耀記  
元石礎在臨頓橋北潘元紹舊物有八製作奇古上



有蟠螭六面下列三獸穿於螭首之下高二尺許

圓四五尺嘉慶初郡紳潘奕雋取其四藏須靜齋

中參軍錢泳取其四藏報春亭下亭在金匱

梅花和尚錢墳墓在虎邱山後左右俱梅自題石柱

曰槐夢醒時成大覺梅花香裏證無生墳山陰士

人善申韓學能吟工草畫梅尤妙二條錢泳履園叢話

孫春陽南貨店在皋橋西其地明唐寅讀書處有古

梓樹一株其大合抱樹本猶存按春陽寧波生員

萬歷初來吳開一小舖於此今為郡中之冠有

上用之物趙吉士寄園記余澹心板橋雜記錢泳履園叢話合纂

東平王廟在光福南街即唐忠臣張巡宋元豐初建

甚小國朝嘉慶二十三年巡檢胡鵬昇里人

顧亮吉顧學祖等募建顧震濤記顧純祖錄

燃松園在光福石嘴整明顧文康公鼎臣建

埋骸局在光福南街向有元朝小巷久圯道光十一

年里士顧志祖李恒徐文椿顧學祖等呈官創立

上建三一閣祀大士斗姆文昌呂祖四像

培善堂在潭東嘉慶二十二年紳士范來宗顧志祖

黃鑄顧維埴黃鈞等呈官創立施棺代葬顧震濤  
記

東山白芻嶺康熙中里人朱必掄甃以石

光福崦東迂里二大石路明萬歷十一年里人李佳  
捐甃以便行旅崇正十七年佳孫之宏再修

國朝道光四年之宏元孫恒重築石工甚鉅鉅監其

事者恒子宗沆姪孫希綱道士馬良玉先後李氏

三築皆甲申年尤奇顧文

宋處士徐棊墓在峙崦嶺下子忠臣揆祔棊字汴湖

汴人為徐氏南渡始祖每年祭埽有

徐公祠在光福南街祀宋處士棊宣教郎靖節公揆

太學博承事郎曰綸明處州知府復乾隆二十三

年裔孫立維煥等建沈德潛記道光十八年祠裔

重建徐文

北寺前香花橋水底更有一橋疊之嘉慶初開河竟

見橋面石元和縣倉前河底亦有一橋

北寺塔中一小碑有刻嘉靖二十五年比丘如金募

施王鎮塔十六字按明宏治十三年僧德旻修陳

公琦記隆慶初郡紳嚴格錢邦彥僧德壽性月修  
萬歷十年申時行韓世能修僧佛日監之王世貞  
記三十一年僧洪恩修三十八年徐申修

國朝康熙五年金之俊僧剖石修十五年僧石樹  
修道光十八年潘師乾潘筠浩修僧巨峯監之

光福方塔梁大同初顧氏建唐光啟二年顧在鎔修  
宋乾道五年顧清瓌沈彥榮修明萬歷二十年董  
份重建 國朝乾隆二十一年徐堅等修

太康磚乾隆五十年太湖涸見井得甃數百塊其文

有太康七年七月十七日吳賀田作十三字

宋朝散大夫李鼻暨配周夫人墓在安山湖灣鄭清  
之誌鼻字元之吳興人寶慶中鎮守銅坑因家焉  
至元孫慶移居迂里至今聚族甚繁

李巡尉祠在光福迂里祀宋朝散鼻後裔咸祔明萬  
歷十六年裔孫佳等建自為記 國朝康熙三  
十年十八世孫桐重建汪琬記乾隆六年承烈修  
道光十八年沅宗沅希綱等修

明隱士李佳墓在元墓山奉慈村徐顯卿誌佳字半

溪篤孝敦倫設義塾助役田築石路善施濟王敬  
臣弟子配享仁孝祠

太史李鉞暨配馮孺人墓在官山塢黃之雋誌鉞傳

載志書

四條迂溪  
李氏家乘

怡園在光福河亭橋向有石榴園榴樹甚多嘉慶二  
十二年觀察潘奕璵建中有思原堂潘奕雋書

三家村在平江路北張士誠時止存仰胡沈三姓聚

族死守婁門

汪美  
基記

野芳濱古名新涇

毛珪  
記

三千六百釣臺在臨頓橋北明徐柯隱居處門聯有

第五司空不妄詣斛斯校書翻倒懸其室聯有醕

酌思中山千日突兀見廣廈萬間

瓜涇  
譜傳

胥門向有吊橋紫石甚古明嘉靖時嚴嵩愛而拆去

今在袁州城外亦名萬年橋

董國  
華記

歷多覆溺之虞

官民惑於風水將二百年之久至

國朝乾隆

五年知府汪德馨力闢邪說重建名曰萬年並建

吳中第一橋坊巡撫徐士林記任其勞者通判王

延熙驛丞高世傑紳士鄭培基汪令煊張鳳翔李

世權

明少師姚恭靖公廣孝祠在相城妙智菴內

江婆嶺在陽山元江婆所開以便行旅烟水

宋集賢殿修撰王文輝墓在西山涵村建炎中救葬

林屋民風

宋知武昌州軍顧玘王暨配盛令人墓在光福紫微

山俗名岫王安石誌

三石佛在西山廟橋西興福菴內宋嘉泰二年吳淨心琢造甚古

吳丞相陸遜墓在東山白沙塢順治初村人墾地得

石擲有古碣題東吳左丞相陸遜墓八大字遂掩

之家山逸響集或云郡廟後高阜逾文即陸遜墓

石屏風木耳聾在五聖閣前明末潘氏仙授鐵屑丸

招牌煨鐵為丸治腹痛食滯如神

馬盤井巷路傍有古石磨盤一古井一皆宋時舊物

以鎮里中不可移動李鉞記

圓妙觀東嶽殿晉咸寧二年建元元貞元年修明成

化二十三年道士韓執中姚宗源張日新張鶴峯

繼修嘉靖三十八年葛柵建黃省曾記 國朝

順治四年里人魯芳建康熙五年席口重建道光

六年曹元潛李慎安李起堂王綱菴道士謝應德

程炳元陳瑞基等重建潘世恩記

全真道院在光福迂里村志宋淳祐初建明萬歷十

二年里士李佳重修 本朝康熙十九年道士

黃清靜募建道光十六年道士馬良玉重修郡紳

韓封蔣慶均顧錦雲錢棠朱綬等皆有題顧震濤

記并輯小志行世曹文麟書清淨經石刻藏此

性天堂在北園沙河塘有文昌閣乾隆中里士張雲

山霍南炳等建施棺惜字放生義局太史邱惠寧

記

歸順州巡檢吳田文暨配朱氏副室 欽旌烈婦

崔氏墓在西跨塘隸吳邑下五都 四畝萬青字圩子憲旌孝子祔

祀復舊祠鶴翔祔鶴翔傳載郡志

游宮洪在社壇巷廣生菴後斜達圓妙觀中順治十

三年道士施道淵所塞

照應廟在南北局神姓歐陽名倫張士誠塔北局謂

其府第架木皆古楠故稱駙馬府公主好畜貓今案上有泥猫為機杼財帛局神機匠崇奉香火又在黃石橋左為土穀神

大成坊巷中喬司空巷口義井井欄石刻有大宋國平江府長洲縣上元鄉竹

居住父張成母

黃氏六娘夫顧份捨錢開義井一口諸為亡女張氏

早界紹興謹題又一面刻有

寄居平江府吳縣

力施財重新甃砌

街自穀市橋至太平橋及井一口時皇宋寶

祐年歲次丙中元後日建又一面刻有義

井嘉定改元六月朔

幹緣造闕下

湖田青蓮菴內有古桂甚大又東虹橋雲隱菴內亦有古桂皆宋人手植

桃李園在南濠設家巷興隆橋內明某貴人葬此不敢起屋僅存一場尚有古樹一株

夜又浜在百祿橋西浜中有大蚌如舟冷氣逼人

不能近

八條吳鶴書記

明處士顧思故墓在澣涇

隸長邑東六都下十二畝

子椿年祔思

故有隱德分澣涇支顧

贈光祿大夫顧汝璧墓在善人橋堯子陽隸吳邑十

五畝大前有一都三十玉音長康天逸闔澤長流二坊

子錫潢孫溥祔

工部侍郎顧藻暨配宋夫人墓在嶢山隸吳邑十九

難字賜葬前有康熙四十一年都十三畝遣布政

使馬逸嬰 諭祭文碑

舉人封主事顧奕榮暨配 欽旌節孝吳宜人墓

在五岳洪隸長邑東六都上子助教嘉熹配俞朱

北五畝情倪字圩

二蔡人孫贈郎中思任曾孫鴻臚寺少卿惠懋皆

祔回條顧志祖錄

周宣靈王廟在寶林寺西見神姓周名雄字仲雄杭

在宋銳志恢一作姓繆名宣少授仙指後之武宋

復抑鬱以歿淳祐元年始封王爵錄小知立廟於此一在光福虎

山神姓周名吉

黃華涇北百歲坊明萬歷三年為張思本妻薛氏給

帑建

汲水橋百歲坊乾隆三年為徐元來妻高氏 給



帑建

洞庭西山百歲坊乾隆十一年為蔡軒明妻殷氏

給帑建

胥門百歲坊乾隆二十三年為金旭陽 給帑建

坊柱鐫沈德潛題聯曰天心默眷大年齊秦地河

山皇極用敷景福錫吳門壽考

養痾  
閒記

虎邱南岸百歲坊嘉慶四年為戴培本妻陸氏

給帑建並旌貞節

三鄉廟東百歲坊嘉慶十年為金德英妻汪氏

給帑建

晉智積菩薩衣盃塔在靈巖山道傍形方如幢

俗呼  
西施

梳粧臺每年上巳為智  
積誕辰羣姬有角黍會

明太學徐璇墓在永昌子魁孫燠曾孫東泉元孫萬

鐘五世孫銓世有隱德子孫聚族墓傍甚盛六世

孫龍溪字躍卿學於王敬臣之門以文行著配享

仁孝祠俱祔

吳縣三十一都地皆埤入太湖

滄浪亭堂聯有鐫於木曰三秋剛報賽休辜良辰美

景請先生閒坐談談問地方上士習民風何因何  
革五簋可留賓何用張燈結綵教百姓都來看看  
想平日間競奢鬪靡就是孰非乾隆四年巡撫徐  
士林書題今失

勃薺出封門外灣村色黑出華林色紅味皆甘嫩  
玉蝶梅在嶼村大梅菴一在寒山法螺菴並宋人所  
植

柵子燈魚行橋盛姓所製  
孝子監生沈仁業墓在竺山仁業傳載郡志祀復

舊祠祀葬遠祖明鄉賢沈杰墓次

職監贈資政大夫汪文瑋暨配

欽旌節孝貝夫

人墓在唯亭

隸元邑中十九都四箇助字圩

明倡義諸生劉羽儀墓在白馬

礪

隸長邑一都六箇克字圩

久被

陳姓築墓道光十年郡紳石韞玉韓封尤興詩顧  
沅等清理界址呈官立碣羽儀傳載郡志祀復舊

忠介等祠

東倉妙濟堂乾隆四十五年紳士潘文起倡捐屠璇  
殷在天同里人等請官建立地即報恩菴元延祐

時僧寂慶建明改靜德菴鄭敷教記顧文  
林錄

長洲倉王廟在妙濟堂側明宣德五年知府况鐘僧

愧庸建 國朝道光十二年知縣陳玉成重建

酒仙堂在東禪寺東宋僧林遇賢多異蹟祥符五年

上元日化後即以肉身塑像稱辟支佛禱雨最驗

寺中有棋枰街蟹眼井皆酒仙遺蹟

中央賢聖廟在陸墓陸家橋宋元豐三年建神姓璩

名佰玉保障諸村最為顯應村民社會有輪  
又高趨之妙

劉公墾三大字圓石碣在山塘青山橋塊明長洲丞

北禪寺大通閣宋皇慶初僧德普里士陸應祥夫婦

所建久廢 國朝乾隆五十二年僧祖印重建

工歷八年費及鉅萬吳門  
補乘

陳相公廟在澣墅關神姓陳名平周顯德四年建為

彭華鄉土穀神 國朝嘉慶七年重建

銅墩廟在楓橋西神姓孔名宣元至順元年建為彭

華鄉土穀神

烈士神廟在郭港神姓姜名 明洪武三年建為尹

山鄉土穀江河神

東山廟即古短簿祠在虎邱山濱神姓王名珣為武邱鄉土穀神後唐時建傍有東山副司神姓葛名

成向在東嶺

國朝乾隆三十五年里士任德

章

等移建今所

志虎邱

一在北濠水溝街內

西山廟在虎邱山西神姓王名珉為武邱鄉土穀神

宋宗寧二年建一在唐錫作巷底名下塘西山一

在桐涇內名上塘西山

韓蘄王廟在歸涇橋西神姓韓名世忠為胥臺鄉土

穀神明嘉靖二年建

國朝乾隆六年里士候

劉幹

修武人崇祀名宦祠

有德於民士庶乞留衣冠葬此樓

文穎

記久廢道光十九年紳士顧沅等清理募修

雙忠廟即天壇傳奏司廟在盤門三都橋神姓劉名

隴為靈巖鄉土穀神又神姓張名鰲為順濟龍王

按二人汴人從南渡守平江盤門拒金兵劉死於

陣張死于水里人立祠祀之明永樂初重建俞楨

記 國朝乾隆中再建彭紹升記嘉慶十三年

重修

大中丞坊在白鶴觀西側大光祿坊在褚家場並為

明萬歷間章煥立初建時童謠曰大中丞完了就  
問軍大光祿燒得光禿禿坊甫成煥果以事逮戍  
光祿坊至康熙間鄰火所燬教已早定集堅瓠  
扇子井在雍熙寺大殿後西首吳周瑜故蹟久旱不  
竭

禁蛙堂在北禪寺內此處無鳴蛙門外有禁蛙池雨  
華堂皆元大德中詩僧餘澤字天泉傳載天泉說  
法天雨寶花以珠點蛙使之不鳴今遺像在寺中  
禱雨屢驗

君祥捨草香菴改建一在婁門周和山明嘉靖九  
年建為依仁鄉土穀神一在滄浪亭見一在靈巖

山前見墓志

觀音泉在光福寺內道光十八年四月墾土丈餘得  
見山壁鐫此三大隸字西面有滿月二大正字下  
有泉泉中得古碣刻正書有予有府疑附郭居人  
沈彥榮觀焉新建銅象觀音寶殿未有聖泉遂發  
信心命工穿鑿于井致於三丈七尺不能見土俄  
然水現寺衆相之此是觀音妙力賜其泉矣凡衆

生得飲中水者恭願身氣清涼無諸熱惱心悟真  
常頓明般若時大宋乾道五年正月廿五日畢工  
平江府光福寺幹造觀音殿僧智瓊立於井內當  
寺行者顧清瓌茶書計百二十八字顧文  
浚錄

泮池諸生墓在吳縣學內杏壇下甲申之變有衣巾  
十餘人哭赴泮池死惜姓名無傳後人濬池起骨  
盛鬻瘞此設位祀忠義祠王岱  
東記

元墓山寺銅鐘甚大明洪武九年僧奕持募鑄鐘裏

銀首飾石片之露鐘表鑄陰文  
小楷全部法華經僧性愍所書 崇正七年僧法藏

性貢重建鐘樓郭鳳  
翥錄

梧桐園吳夫差所建在甫里塘楓莊

婁門永安橋宋慶元時建明萬歷九年里紳蔣二南  
重建見  
志 國朝康熙十九年僧惟悅蔣德峻倡

建道光元年里人重修十六年石韞玉程仁藻仁  
需吳蔚林  
曹文熙 俞孝庭包汝霖等捐募重建顧震濤記

婁門永安橋宋崇寧初建明宏治十一年里紳盧珪  
重建萬歷五年顧豫蔣二南莫懷月等倡修

國朝乾隆元年里人重建道光十八年把總宋天

培等重修

錢氏三園在木瀆嘉慶十八年徵士錢爰字杏圃始  
得斜橋西汪氏廢圃構之名曰潛園中多蘭菊有  
奇石古樹之概仲弟子端溪於北岸更葺一園疊  
石浚池多樓臺廊廡之勝名端園季弟煦字十舟  
於潛園之西得薛氏舊園重新之名息園一時題  
詠頗盛顧震濤有兄弟咫尺三園記

吳門表隱卷七終